

乾道本韓非子

八之十三

二





漢書門			
九	五	六	八
號	函	架	冊
四	四	五	四

內閣文庫			
三函	二冊	九五六八	子漢書

內閣文庫			
番號	漢	9568	
冊數	4 (2)		
函號	300	35	

法家二考





一無其人舉其
一曰六舉
有字曰六
並曰六舉
於字曰六
四曰六舉
不任腫膝
一曰六舉
字腫膝三
任字腫膝

韓非子卷第八

說林下第二十三

觀行第二十四

安危第二十五

守道第二十六

用人第二十七

功名第二十八

大體第二十九

說林下第二十三

伯樂教二人相蹠馬相與之簡子既觀馬一人舉蹠馬其一人
舉蹠馬其一人從後而循之三撫其尻而馬不蹠此自以為失
相其一人子非失相也此其為馬也矮肩而腫膝夫蹠馬也者
舉後而任前腫膝不可任也故後不舉子巧於相蹠馬而拙於
任在腫膝而不任拙於腫膝夫事有所必歸而有所腫膝而
不任智者之所獨知也惠子曰置猿於柙中則與豚同故勢不
便非所以逞能也



言謂同
用猶以
為也

上為猶
以也密
密猶勿
勿也

相上一
有食焉
二字疑
疑當作
作或疑
兼與地
通字下
字上殺
是作食
是

有欲以御見荆王者衆駟妬之因曰臣能擻鹿見王王為御不

及鹿自御及之王善其御也乃言衆駟妬之

荆令公子將伐陳丈人送之曰晉疆不可不慎也公子曰丈人

奚憂吾為丈人破晉丈人曰可吾方廬陳南門之外公子曰是

何也曰我笑勾踐也為人之如是其易也已獨何為密密十年

難乎

堯以天下讓許由許由逃之舍於家人家人藏其皮冠夫弃天

下而家人藏其皮冠是不知許由者也

三虱相與訟一虱過之曰訟者奚說三虱曰爭肥饒之地一虱

曰若亦不患臘之至而茅之燥耳若又奚患於是乃相與聚踞其

毋而食之疑懼人乃弗殺

虫蝨有就或作者身兩口爭相齧也遂相殺因自殺人臣之爭

事而亡其國者皆虬類也

公孫以
下一提
行是

實疑當
作罪下
同去之
遂去之
故曰勿
字矣八
之故去
之故去
疑之行
下字是

宮有聖器有滌則潔矣行身亦然無滌亞之地則寡非矣公

子糾將為亂桓公使使者視之使者報曰笑不樂視不見必為

亂乃使魯人殺之

公孫引斷髮而為越王騎公孫喜使人絕之曰吾不與子為昆

弟矣公孫引曰我斷髮子斷頸而為人用兵我將謂子何周南

之戰公孫喜死焉

有與悍者鄰欲賣宅而避之人曰是其貫將滿也遂去之故曰
勿之矣子姑待之答曰吾恐其以我滿貫也遂去故曰物之幾
者非所靡也
孔子謂弟子曰孰能導子西之鈞名也子貢曰賜也能乃道之
不復疑也孔子曰寬哉不被於利切繫哉民性有恒曲為曲直為直
孔子曰子西不免白公之難子西死焉故曰直於行者曲於欲
晉中行文子出亡過於縣邑從者曰此晉夫公之故人公奚不

振上疑
脫不字

休舍且待後車文子曰吾嘗好音此人遺我鳴琴吾好珮此人遺我玉環是振我過者也以求容於我者吾恐其以我求容於人也乃去之果收文子後車二乘而獻之其君矣

周趨謂宮他曰為我謂齊王曰以齊資我於魏請以魏事王宮他曰不可是示之無魏也齊王必不資於無魏者而以怨有魏者公不如以王之所欲臣請以魏聽王齊王必以公為有魏也必因公是公有齊也因以有齊魏矣

今疑當
作大

白圭謂宋令尹曰君長自知政公無事矣今君少主也而務名不如令荆賀君之孝也則君不奪公位而大敬重公則公常用宋矣

相一作
先是

管仲鮑叔相謂曰君亂甚矣必失國齊國之諸公子其可輔者非公子糾則小白也與子人事一人為相達者相收管仲乃從公子糾鮑叔從小白國人果弑君小白先入為君魯人拘管仲

一撥養
字是

而效之鮑叔言而相之故諺曰巫咸雖善祝不能自被也養秦醫雖善除不能自彈也以管仲之聖而待鮑叔之助此鄙諺所謂虜自賣裘而不售士自譽辯而不信者也

而一作
荆吉下
有乎曰
吉三字
欲作殺
人來作
臣來無
上祭字
並是

荆王伐吳吳使沮衛慶融犒於荆師而將軍曰縛之殺以豐鼓問之曰女來卜乎答曰卜吉荆人曰今荆將欲女豐鼓其何也答曰是故其所以吉也吳使人來也固視將軍怒將軍怒將深溝高壘將軍怒將懈怠今也將軍殺臣則吳必警守矣且國之卜非為一臣卜夫殺一臣而存一國其不言吉何也且死者無知則以臣豐鼓無益也死者有知也臣將當戰之時臣使鼓不鳴荆人因不殺也

下臣疑
衍

知伯將伐仇由而道難不通乃鑄大鍾遺仇由之君仇由之君大說除道將內之赤章曼枝曰不可此小之所以事大也而今也大以來卒以隨之不可內也仇由之君不聽遂內之赤章曼

下以一
作必是

月疑當作

枝因斷轂而驅至於齊七月而仇由亡矣
越已勝吳又索卒於荆而攻晉左史倚相謂荆王曰夫越破吳
豪士死銳卒盡大甲傷今又索卒以攻晉示我不病也不如起
師與分吳荆王曰善因起師而從越越王怒將擊之大夫種曰
不可吾豪士盡大甲傷我與戰必不尅不如賂之乃割露山之
陰五百里以賂之

荆伐陳吳救之軍間三十里雨十日夜星左史倚相謂子期曰
雨十日甲輯而兵聚吳人必至不如備之乃為陳陳未成也而
吳人至見荆陳而反左史曰吳反覆六十里其君子必休小人
必食我行三十里擊之必可敗也乃從之遂破吳軍

韓趙相與為難韓子索兵於魏曰願借師以伐趙魏文侯曰寡
人與趙兄弟不可以從趙又索兵攻韓文侯曰寡人與韓兄弟
不敢從二國不得兵怒而反已乃知文侯以構於已乃皆朝魏

或無字字可從

也齊下疑脫人字

齊伐魯索讒鼎魯以其鴈往齊人曰鴈也魯人曰真也齊曰使
樂正子春來吾將聽子魯君請樂正子春樂正子春曰胡不以
其真往也君曰我愛之信荅曰臣亦愛臣之信

上信字一無是下咎疑當作之

一無白字是

韓咎立為君未定也弟在周周欲重之而恐韓咎不立也其奈母
恢曰不若以車百乘送之得立因曰為戒不立則曰來效賊也
靖郭君曰將城薛客多以諫者靖郭君謂謁者曰毋為客通齊
人有請見者曰臣請三言而已過三言臣請烹靖郭君因見之
客趨進曰海大魚因反走靖郭君曰請聞其說客曰臣不敢以
死為戲靖郭君曰願為寡人言之荅曰君聞大魚乎網不能止
繳不能絰也蕩而失水螻蟻得意焉今夫齊亦君之海也君長
有齊奚以薛為君失齊雖隆薛城至於天猶無益也靖郭君曰
善乃輟不城薛

荆王弟在秦秦不出也中射之士曰資臣百金臣能出之因載

委叔云
云十二
字一作
委之叔
向受金
而見八
字是
得一作
德是

百金之晉見叔向曰荆王弟在秦秦不出也請以百金委叔向
叔向受金而以見之晉平公曰可以城壺丘矣平公曰何也對
曰荆王弟在秦秦不出也是秦惡荆也必不敢禁我城壺丘若
禁之我曰為我出荆王之弟吾不城也彼如出之可以得荆彼
不出是卒惡也必不敢禁我城壺丘矣公曰善乃城壺丘謂秦
公曰為我出荆王之弟吾不城也秦因出之荆王大說以鍊金
百鎰遺晉

公疑當
作伯

蓋廬攻郢戰三勝問子胥曰可以退乎子胥對曰溺人者一飲
而止則無逆者以其不休也不如乘之以沉之
鄭人有一子將官謂其家曰必築壞墻是不善人將竊其巷人
亦去不時築而人果竊之以其子為智以巷人告者為盜

觀行第二十四

古之人目短於自見故以鏡觀面智短於自知故以道正己故

世一作
執是

撲上疑
撲一人字
測發下
有之字
並是字
法術三
字疑衍

鏡無見疵之罪道無明過之怨目失鏡則無以正鬚眉身失
道則無以知迷惑西門豹之性急故佩韋以緩己董安于之心
緩故佩弦以自急故以有餘補不足以長續短之謂明主
天下有信數三一曰智有所不能立二曰力有所不能舉三曰
彊有所不能勝故雖有堯之智而無眾人之助大功不立有烏
獲之勁而不得人助不能自舉有賁育之彊而無法術不得長
生故世有不可得事有不可成故烏獲輕千鈞而重其身非其
身重於千鈞也勢不便也離朱易百步而難眉睫非百步近而
眉睫遠也道不可也故明主不窮烏獲以其不能自舉不因離
朱以其不能自見因可勢求易道故用力寡而功名立時有滿
虛事有利害物有生死人主為三者發喜怒之色則金石之士
離心焉聖賢之撲淺深矣故明主觀人不使人觀己明於堯不
能獨成烏獲不能自舉賁育不能自勝以法術則觀行之道畢矣

安危第二十五

安術有七。危道有六。安術一曰賞罰隨是非。二曰禍福隨善惡。三曰死生隨法度。四曰有賢不肖而無愛惡。五曰有愚智而無非譽。六曰有尺寸而無意度。七曰有信而無詐。

危道一曰斷削於繩之內。二曰斷割於法之外。三曰利人之所害。四曰樂人之所禍。五曰危人於所安。六曰所愛不親。所惡不疏。如此則人失其所以樂生而忘其所以重死。人不樂生則人主不尊。不重死則令不行也。

使天下皆極智能於儀表。盡力於權衡。以動則勝。以靜則安。治世使人樂生於為是。愛身於為非。小人少而君子多。故社稷長。本國家久安。奔車之上無仲尼。覆舟之下無伯夷。故號令者國之舟車也。安則智廉生。危則爭鄙起。故安國之法若饑而食寒而衣。不令而自然也。先王寄理於竹帛。其道順。故後世服令。使

下斷一作斷是於作之是

理上一有治字

去饑寒一作饑寒去衣食重難有二字並是其疑當作甚

以福疑

身一作臣是

以無功御不樂生七字是不重

人去饑寒。雖貴育不能行。廢自然。雖順道而不立。強勇之所不能行。則上不能安。上以無厭責已。盡則下對無有。則輕法。法所以為國也。而輕之。則功不立。名不成。聞古扁鵲之治其病也。以刀刺骨。聖人之救危國也。以忠拂耳。刺骨故小痛在體。而長利在身。拂耳故小逆在心。而久福在國。故甚病之人。利在忍痛。猛毅之君。以福拂耳。忍痛故扁鵲盡巧。拂耳則子胥不失。壽安之術也。病而不忍痛。則失扁鵲之巧。危而不拂耳。則失聖人之意。如此。長利不遠。垂功名不久立。

人主不自刻以堯。而責人臣以子胥。是幸。般人之盡。如比干。盡如比干。則上不失。下不亡。不權其力。而有田成。而幸其身。盡如比干。故國不得一安。廢堯舜而立桀紂。則人不得樂。所長而憂。所短。失所長。則國家無功。守所短。則民不樂生。以無功。御不樂生。以無功。御不樂生。不可行於齊民。如此。則上無以使。下無

以事上

安危在是非不在於強弱存亡在虛實不在於衆寡故齊萬
乘也而名實不稱上空虛於國內不充滿於名實故臣得奪主
殺天子也而無是非賞於無功使讒諛以詐偽為貴誅於無罪
使僞以天性剖背以詐偽是天性為非小得勝大

明主堅內故不外失失之近正不亡於遠者無有故周之奪殷
也拾遺於庭使殷不遺於朝則周不敢望秋毫於境而況敢
易位乎

明主之道忠法其法忠心故臨之而法去之而思堯無膠漆之
約於當世而遺行舜無置錐之地於後世而德結能立道於往
名古而垂德於萬世者之謂明主

守道第二十六

聖王之立法也其賞足以勸善其威足以勝暴其備足以必

下不疑
當作下
殺當作
僕是上
一有為
字是小
上疑脫
故字
正一作
而是

二而字
猶則也
遺一作
道無名
字並是

中一作
守是

赴終而
撥金下
一疊赴
給而撥
金五字
是

貞平一
作貞無
平字是
耳一作
禍可作
何並是

完法治世之臣功多者位尊力極者賞厚情盡者名立善之
生如春惡之死如秋故民勸極力而樂盡情此之謂上下相得
上下相得故能使用力者自極於權衡而務至於任鄙戰士出
死而願為貴育守道者皆懷金石之心以死于胥之節用力者
為任鄙戰如貴育中為金石則君人者高枕而守已完矣

古之善守者以其所重禁其所輕以其所難止其所易故君子
與小人俱正盜跖與曾史俱廉何以知之夫貪盜不赴谿而撥
金則身不全貴育不量敵則無勇名盜跖不計可則利不成

明主之守禁也貴育見侵於其所不能勝盜跖見害於其所不
能取故能禁貴育之所不能犯守盜跖之所不能取則暴者守
愿邪者反正大勇愿巨盜貞平則天下公平而齊民之情正矣

人主離法失人則危於伯夷不妄取而不免於田成盜跖之耳
可也今天下無一伯夷而姦人不絕世故立法度量度量信則

發是 失發一 作不失 垂拱下 一有於 守 所以 一有使 字是 獨疑術 一本無 恃怯一 作持怯 七是

伯夷不失是而盜跖不得非法分明則賢不得奪不肖強不得
侵弱眾不得暴寡託天下於堯之法則貞士不失分姦人不徼
幸寄千金於羿之矢則伯夷不得亡而盜跖不敢取堯明於不
失女奴故天下無邪羿巧於失廢故千金不亡邪人不壽而盜跖
止如此故圖不載宰予不舉六卿書不著子胥不明夫差孫吳
之略廢盜跖之心伏人主甘服於玉堂之中而無瞋目切齒傾
取之患人臣垂拱金城之內而無扼腕聚脣嗟惜之禍服虎而
不以桀禁姦而不以法塞偽而不以符此責育之所患堯舜之
所難也故設桀非所以備鼠也所以使怯弱能服虎也立法非
所以避曾史也所以庸主能止盜跖也為符非所以豫尾生也
所以使眾人不相謾也不獨特比于之死節不幸亂臣之無詐
也恃怯之所服握庸主之所易守當今之世為人主忠計為
天下結德者利莫長於如此故君人者無亡國之圖而忠臣無

通下二 有於字 發作明 並是

失身之畫明於尊位必賞故能使人盡力於權衡死節於官職
通責育之情不以死易生惑於盜跖之貪不以財易身則守國
之道畢備矣

用人第二十七

聞古之善用人者必循天順人而明賞罰循天則用力寡而功
立順人則刑罰省而令行明賞罰則伯夷盜跖不亂如此則白
黑分矣治國之臣效功於國以履位見能於官以受職盡力於
權衡以任事人臣皆宜其能勝其官輕其任而莫懷餘力於心
莫負兼官之責於君故內無伏怨之亂外無馬服之患明君使
事不相干故莫訟使士不兼官故技長使人不同功故莫爭訟
爭訟止技長立則彊弱不敵力冰炭不合形天下莫得相傷治
之至也

心治上 一有任 字是

釋法術而心治堯不能正一國去規矩而妄意度奚仲不能成一

半中上
疑脫成
字

輪廢尺寸而差短長王爾不能半中使中主守法術拙匠守規
矩尺寸則萬不失矣君人者能去賢巧之所不能守中拙之所
萬不失則人力盡而功名立

難知之
一作行
之心

明主立可爲之賞設可避之罰故賢者勸賞而不見子胥之禍
不肖者少罪而不見偃剖背盲者處平而不遇深谿愚者守靜
而不陷險危如此則上下之恩結矣古之人曰其心難知喜怒哀
難中也故以表示目以鼓語耳以法教心君人者釋三易之數
而行之一難知之如此則怒積於上而怨積於下以積怒而御
積怨則兩危矣

君一作
居是

明主之表易見故約立其教易知故言用其法易爲故令行三
者立而上無私心則下得循法而治望表而動隨繩而斷因攢
而縫如此則上無私威之毒而下無愚拙之誅故上君明而少
怒下盡忠而少罪

立一作
生

見憎上
一有民
樂是

聞之曰舉事無患者堯不得也而世未嘗無事也君人者不輕
爵祿不易富貴不可與救危國故明主厲廉恥招仁義昔者介
子推無爵祿而義隨文公不忍口腹而仁割其肌故人主結其
德書圖著其名人主樂乎使人以公盡力而苦乎以私奪威人
臣安乎以能受職而苦乎以一負二謂一身兩役也故明主除人臣之
所苦而立人主之所樂上下之利莫長於此不察私門之內輕
慮重事厚誅薄罪久怨細過長侮愉快長輕侮人愉快一時之快也數以德
追禍禍賊當誅而反以德報之也是斷手而續以玉也故世有易身之患
人主立難爲而罪不及則私怨立人臣失所長而奉難給則伏
怨結勞苦不撫循憂悲不哀憐喜則譽小人賢不肖俱賞怒則
毀君子使伯夷與盜跖俱辱故臣有叛主使燕王內憎其民而
外愛魯人則燕不用而魯不附見憎不能盡力而務功魯見說
而不能離死命而親他主如此則人臣爲隙穴而人主獨立以

而小作

隙穴之臣而事獨立之主此之謂危殆
釋儀的而妄發雖中小不巧釋法制而妄怒雖殺戮而姦人不
忍罪生甲禍歸乙伏怨乃結故至治之國有賞罰而無喜怒故
聖人極有刑法而死無赦毒故姦人服發矢中的賞罰當付故
堯復生舜復立如此則上無殷夏之患下無比干之禍君高枕
而臣樂業道蔽天地德極萬世矣夫人主不塞隙穴而勞力於
積望暴雨疾風必壞不去眉睫之禍而慕貴育之死不謹蕭牆
之患而固金城於遠境不用近賢之謀而外結萬乘之交於千
里飄風一旦起則貴育不及救而外交不及至禍莫大於此當
今之世為人主忠計者必無使燕王說魯人無使近世慕賢於
古無思越人以救中國弱者如此則上下親內功立外名成

功名第二十八

明君之所以立功成名者四一曰天時二曰人心三曰技能四

務上疑
朕不宗
群書活
要作不
發

曰勢位非天時雖十堯不能冬生一穗逆人心雖貴育不能盡
人力故得天時則務而自生得人心則不趣而自勸因技能則
不急而自疾得勢位則不推進而名成若水之流若船之浮守
自然之道行毋窮之令故曰明主

金書作
鈞字之
誤也
衍一主
字

夫有材而無勢雖賢不能制不肖故立尺材於高山之上則臨
千仞之谿材非長也位高也桀為天子能制天下非賢也勢重
也堯為匹夫不能正三家非不肖也位卑也于鈞得船則浮錙
銖失船則沉非千金輕錙銖重也有勢之與無勢也故短之臨
高也以位不肖之制賢也以勢力人主者天下一力以共載之故
安眾同心以共立之故尊人臣守所長盡所能故忠以尊主主
御忠臣則長樂生而功名成名實相持而成形影相應而立故
臣主同欲而異使人主之患在莫之應故曰一手獨拍雖疾無
聲耳人臣之憂在不得一故曰右手畫圓左手畫方不能兩成故

於事上一有易字是

曰。至治之國。君若桴。臣若鼓。技若車。事若馬。故人有餘力。易於應。而技有餘巧。於事立功者。不足於力。親近者。不足於信。成名者。不足於勢。近者已親。而遠者不結。則名不稱實者也。聖人德若堯舜。行若伯夷。而位不載於世。則功不立。名不遂。故古之能致功名者。衆人助之以力。近者結之以成。遠者譽之以名。尊者載之以勢。如此。故太山之功。長立於國家。而日月之明。久著於天地。此堯之所以南面。而守名。舜之所以北面。而效功也。

大體第二十九

古之全大體者。望天地。觀江海。因山谷。日月所照。四時所行。雲布風動。不以智累心。不以私累己。寄治亂於法術。託是非於賞罰。屬輕重於權衡。不逆天理。不傷性情。不吹毛而求小疵。不洗垢而察難知。不引繩之外。不推繩之內。不急法之外。不緩法之內。守成理。因自然。禍福生乎道法。而不出乎愛惡。榮辱之責在乎

一無致字

可一作治

必載詳書治要作畢載

已。而不在乎人。故致至安之世。法如朝露。純樸不散。心無結怨。口無煩言。故車馬不疲弊。於遠路。旌旗不亂於大澤。萬民不失命於寇戎。雄駿不創壽於旌幢。豪傑不著名於圖書。不錄功於盤盂。記年之牒。空虛。故曰。利莫長於簡。福莫久於安。使匠石以千歲之壽。操鈎視規。矩舉繩墨。而正太山。使賁育帶干將。而齊萬民。雖盡力於巧。極盛於壽。太山不正。民不能齊。故曰。古之牧天下者。不使匠石極巧。以敗太山之體。不使賁育盡威。以傷萬民之性。因道全法。君子樂而大姤止。澹然間靜。因天命。持大體。故使人無離法之罪。魚無失水之禍。如此。故天下少不可上。不天。則下不遍。覆心不地。則物不必載。太山不立。好惡。故能成其高。江海不擇。小助。故能成其富。故大人寄形於天地。而萬物備。歷心於山海。而國家富。上無忿怒之毒。下無伏怨之患。上下交。撲以道為舍。故長利積。大功立。名成於前。德垂於後。治之

至也。

韓非子卷第八

[Faded text in vertical columns, likely bleed-through from the reverse side of the page]

韓非子卷第九

內儲說上七術第三十

儲聚也謂聚其所說比君之內謀故曰內儲說

主之所用也七術所察也六微七術一曰衆端參觀求端直也欲

聽觀也二曰必罰明威三曰信賞盡能四曰一聽責下專聽必

能則不明五曰疑詔詭使疑危而制之謗詭而回六曰挾知

而問七曰倒言反事或倒其言或反其事此七者主之所用也

觀聽不參則誠不聞不參謂偏聽一聽有門戶則臣壅塞其聽

從若門戶然其說侏儒之夢見竈後人不見此譏靈公偏聽子

瑕哀公之稱莫衆而迷季孫與之同亂是一國為一人公之迷

且故齊人見河伯齊王專信一人故被與惠子之言亡其半也

同朋黨故曰亡其半此上五說皆不參門戶之聽雷其患在豎牛

之餓叔孫餓死而子孫聽豎牛故身而江乞之說荆俗也荆俗不言

公得以嗣公欲治不知謂不知治故使有敵恐其所貴且妄擁

而猶也也一說同

說下一有在字則也

敵之彼得敵道足以成是以明主推積鐵之類積鐵為室盡以其朋黨為擁更甚也是以明主推積鐵之類積鐵為室盡以其朋黨為擁更甚也是以明主推積鐵之類積鐵為室盡以其朋黨為擁更甚也

參觀一

愛多者則法不立威寡者則下侵上是以刑罰不必則禁令不行其說在董子之行石邑董子至石邑象深澗與子產之教游吉也子產教游吉令故仲尼說墮霜仲尼對哀公言墮霜不殺也而殷法刑奔灰將行去樂池將行以樂池不專任而公孫鞅重輕罪公孫鞅以謂輕罪尚不能犯是以麗水之金不守竊麗水而積澤之火不救魯之積澤火焚而積澤之火不救魯之積澤火焚而積澤之火不救魯之積澤火焚

必罰二

一辨也

賞與譽薄而謾者下不用也謾欺也賞與譽厚而信者下輕死其說在文子稱若獸鹿獸鹿唯就薦草猶故越王焚宮室焚其室者欲而吳起倚車轅賞移轅者欲示李悝斷訟以射射故其斷訟與宋崇門以毀死崇門之人居喪而瘠君與知故式怒畫勾踐知勸賞可以求勇昭侯知之故藏弊袴厚賞之昭侯知其斷訟與使人為責諸也婦人之拾蠶拾蠶握蠶漁者之握鱣拾蠶握蠶是以效之拾蠶握蠶

賞譽三

一聽則愚智不分直聽一理不反覆責下則人臣不參下之材責之則人臣責之則人臣其說在索鄭魏王以鄭本梁地故索鄭而合之與吹竽混商吹竽是不責其患在申子之以趙紹韓沓申子為請兵先令趙紹韓沓嘗韓故公子汜議割河東申子為請兵先令趙紹韓沓嘗韓為嘗試君知其意然後說終成其私也韓王欲河東君知其意然後說終成其私也以構三國君知其意然後說終成其私也而應侯謀施上黨君知其意然後說終成其私也

一上疑

一有之

上二事皆一聽之患也

一聽四

數見久待而不任。姦則鹿散。謂人數見於君或復久待雖不任
為女奴如使人問他則不鬻。謂使此雖知其為陽若不知更
私矣。鬻是以龐敬還公大夫。龐敬使市者不為女奴而戴謹詔視
輻車。戴謹欲知奉笥周主亡玉簪周主故亡玉簪以商太宰論
牛矢。太宰詭論牛矢以求聽察之名也

詭使五

挾智而問則不智者至。挾已所智而有所問則深智物衆隱
比皆變。於伏一物智之能深則露則衆其說在昭侯之握一爪也
以驗左故必南門而三鄉得。必審南門之牛犯苗而三
曲杖而羣臣懼。私得曲杖羣臣皆懼
詳遺轄。謀遺其轄欲取

四智字與知同

必下一有審字是事猶使也詳伴通

挾智六

倒言反事以嘗所疑則姦情得。倒錯其言反為其
豎。為君疑也淖齒為秦使。知君惡已齊人欲為亂君知而不疑
子之以白馬。驗左右之誠子產離訟者得兩訟之情嗣公過關
市。便得聽察之稱

倒言七右經

一衛靈公之時彌子瑕有寵專於衛國。侏儒有見公者曰。臣
之夢賤矣。公曰。何夢。對曰。夢見竈為見公也。公怒曰。吾聞見人
主者夢見日。奚為見寡人而夢見竈。對曰。夫日兼燭天下。一物
不能當也。言一物不能人君兼燭一國。一人不能擁也。不能
擁君。故將見人主者夢見日。夫竈一人煬焉。則後人無從見矣。
後人煬則蔽竈之光。故今或者一人有煬君者乎。此譏彌子瑕
明則臣雖夢見竈不亦可乎。

陽山疑當作山陽說同

賤踐假借一作

一無國人人字假借

故下
有伺字

一無下
字是

下遇
作乃是

魯哀公問於孔子曰。鄙諺曰。莫衆而迷。舉事不與衆。今寡人舉事。與羣臣慮之。而國愈亂。其故也。孔子對曰。明主之問臣。一人知之。一人不知也。一人知之。一人不知。知則得再三詳議。如是者。明主在上。羣臣直議於下。今羣臣無不辭同軌。乎季孫者。舉魯國盡化為一。舉國化。論其是非。不得君雖問。境內之人。猶之人不免於亂也。境內之人。亦與季孫無異。一曰。晏嬰女子聘魯。哀公問曰。語曰。莫三人而迷。舉事不與。惑也。今寡人與一國慮之。魯不免於亂。何也。晏子曰。古之所謂。莫三人而迷者。一人失之。二人得之。三人足以為衆矣。故曰。莫三人衆所言者。一人也。安得三哉。齊人有謂齊王曰。河伯大神也。王何不試與之遇。平臣請使王遇之。遇為壇場大水之上。而與王立之焉。有間。大魚動。因曰。此河伯也。直信一人言。故有斯弊。

下以猶
為也

因疑當
作曰
一無可
至是

張儀欲以秦韓與魏之勢伐齊。荆而惠施欲以齊荆偃兵。以齊兵。援則秦韓不敢加。兵故兵可偃也。二人爭之。羣臣左右皆為張子言。而以攻齊荆為利。而莫為惠子言。王果聽張子。而以惠子言為不可。攻齊荆事已定。惠子入見。王言曰。先生毋言矣。攻齊荆之事。果利矣。一國盡以為然。惠子因說不可不察也。夫齊荆之事也。誠利一國。盡以為利。是何智者之衆也。攻齊荆之事。誠不可利。一國盡以為利。何愚者之衆也。凡謀者。疑也。有疑然。疑也者。誠疑以為可者。半以為不可者。半。若誠有疑。則今一國盡以為可。是王亡半也。無致疑之人。劫主者。固亡其半者也。無人致疑。則大盜得其言。莫殺者。無人疑。故也。叔孫相。魯自貴。而主斷其所愛者。曰。豎牛。亦擅用叔孫之令。叔孫有子。曰。王豎牛。妬而欲殺之。因與王游於魯君所。魯君賜之玉環。王拜受之。而不敢佩。使豎牛請之叔孫。豎牛欺之曰。吾已為

子九

四

也下一
有豎字
曰三字
是

以一作
已通前
上有為
字是

辭下
有因字
是

江乞以
下一提
行是

爾請之矣。使爾佩之。王因佩之。豎牛因謂叔孫何不見王於君
乎。叔孫曰。孺子何足見也。王固已數見於君矣。君賜之玉環。王
已佩之矣。叔孫召王見之。而果佩之。叔孫怒而殺王。王兄曰丙。
豎牛又妬而欲殺之。叔孫為丙鑄鐘。鐘成丙不敢擊。使豎牛請
之。叔孫豎牛不為請。又欺之曰。吾以爾請之矣。使爾擊之。丙因
擊之。叔孫聞之曰。丙不請而擅擊。鍾怒而逐之。丙出走齊。居一年。
豎牛為謝叔孫。叔孫使豎牛召之。又不召而報之曰。吾已召之
矣。丙怒甚不肯來。叔孫大怒使人殺之。二子已死。叔孫有病。豎
牛因獨養之。而去左右不內人。曰。叔孫不欲聞人聲。不食而餓。
殺叔孫已死。豎牛因不發喪也。徙其府庫重寶空之而奔齊。夫
聽所信之言。而子父為人僂。此不參之患也。江乞為魏王使荆。
謂荆王曰。臣入王之境內。聞王之國俗曰。君子不蔽人之美。不
言人之惡。誠有之乎。王曰。有之。然則若白公之亂。得庶無危乎。

一無之
字無必
字非是

不言人惡。則白公得誠得如此。臣免死罪矣。有惡不言
何其姦謀。故危也。衛嗣君重如耳。愛世姬而恐其皆因其愛重。以雍已也。乃貴薄
疑以敵之。如耳尊。魏姬以耦世姬。曰。以是相參也。嗣君知欲無
雍。而未得其術也。夫不使賤議貴。賤不得與
貴議也。下必坐上。下得罪
與上
議也。而必待勢重之鈞也。而後敢相議。今兩受勢重。既
鈞。正可相與議。則是益樹壅塞之臣也。兩受其謀。為壅更
甚。此嗣君不得術。嗣君之壅乃始。
夫矢來有鄉。鄉方也。有
來從之方。則積鐵以備一鄉。謂聚鐵於身。以備一
處。即甲之不全者也。矢來無鄉。則為鐵室。以盡備之。謂甲之全者。自首至足。
無不有鐵。故曰鐵室。備之則
體不傷。故彼以盡備之不傷。此以盡敵之無效也。言君亦當盡敵於臣。
皆所防疑。則效絕也。龐恭與太子質於邯鄲。謂魏王曰。今一人言市有虎。王信之乎。
曰。不信。二人言市有虎。王信之乎。曰。不信。三人言市有虎。王信
之乎。王曰。寡人信之。龐恭曰。夫市之無虎也明矣。然而三人言
而成虎。今邯鄲之去魏也。遠於市。議臣者過於三人。願王察之。

龐恭從邯鄲反竟不得見

董闕于為趙上地守行石邑山中澗深峭如墻深百仞因問其旁鄉左右曰人嘗有入此者乎對曰無有曰嬰兒癡龍狂悖之人嘗有入此者乎對曰無有牛馬犬彘嘗有入此者乎對曰無有董闕于喟然太息曰吾能治矣使吾治之無赦猶入澗之必死也則人莫之敢犯也何為不治之子產相鄭病將死謂游吉曰我死後子必用鄭必以嚴莅人夫火形嚴故人鮮灼水形懦人多溺子必嚴子之形無令溺子之懦故子產死游吉不肯嚴形鄭少年相率為盜亂於藿澤將遂以為鄭禍游吉率車騎與戰一日一夜僅能尅之游吉喟然歎曰吾蚤行夫子之教必不悔至於此矣

下治一作去無下之字子產以下提行並是入上一有故字是二形字與刑通故疑當作政

魯哀公問於仲尼曰春秋之記曰冬十二月實霜不殺菽何為記此仲尼對曰此言可以殺而不殺也夫宜殺而不殺桃李冬

下之字猶其也

一無下字是

人字疑行

實天失道草木猶犯干之而況於人君乎人君失道人臣凌之者宜殷之法刑弃灰於街者子貢以為重問之仲尼仲尼曰知治之道也夫弃灰於街必掩人灰塵播揚善掩人人必怒怒則鬪鬪必三族相殘也殘傷相此殘三族之道也雖刑之可也且夫重罰者人之所惡也而無弃灰人之所易也使人行之所易而無離所惡此治之道也殷之法弃灰于公道者斷其手子貢曰弃灰之罪輕斷手之罰重古人何太毅也毅酷也曰無弃灰所易也斷手所惡也行所易不關所惡古人以為易故行之中山之相樂池以車百乘使趙選其客之有智能有者以為將行將主行道之人以為行道之中道而亂樂池曰吾以公為有智而使公為將行今中道而亂何也客因辭而去曰公不知治有威足以服之人而利足以勸之故能治之今臣君之少客也言在客夫從少正長從賤治貴而不得操其利害之柄以制之此所以亂也嘗

試使臣彼之善者。我能以為卿相。彼不善者。我得以斬其首。何故而不治。

罪下一
有重罪
二字是

公孫鞅之法也。重輕罪者。人之所難犯也。而小過者。人之所易去也。使人去其所易。無離其所難。此治之道。夫小過不生。大罪不至。是人無罪。而亂不生也。今重罪輕罪避故一曰。公孫鞅曰。行刑重其輕者。輕者不至。重者不來。不犯輕自然。是謂以刑去刑也。以輕刑
去重刑

離離省
字大一
作夫是
於上一
有人字
是

荆南之地。麗水之中。生金人多。竊采金。采金之禁。得而輒辜。磔於市。甚衆。壅離其水也。又設防禁。遮擁而人竊金不止。大罪莫重。辜磔於市。猶不止者。不必得也。言犯罪者。不必一一比得。而輕犯。故今有於此。曰。子汝天下而殺汝身。庸人不為也。夫有天下大利也。猶不為者。知必死。故不必得也。則雖辜磔。竊金不止。知必死。則天下不為也。

輒一作
是

賞一作
罰是

魯人燒積澤。天北風。火南倚。火勢南靡。故曰倚也。恐燒國。哀公懼。自將衆。輒救火者。左右無人。盡逐獸。而火不救。乃召問仲尼。仲尼曰。夫逐獸者。樂而無罰。救火者。苦而無賞。此火之所以無救也。哀公曰。善。仲尼曰。事急。不及以賞。救火者。盡賞之。則國不足以賞於人。請徒行賞。哀公曰。善。於是仲尼乃下令曰。不救火者。比降北之罪。逐獸者。比入林禁之罪。令下未遍。而火已救矣。

成驩謂齊王曰。王太仁。太不忍人。王曰。太仁。太不忍人。非善名邪。對曰。此人臣之善也。非人主之所行也。夫人臣必仁。而後可與謀。不忍人。而後可近也。不仁。則不可與謀。忍人。則不可近也。王曰。然則寡人安所太仁。安不忍人。對曰。王太仁於薛公。而太不忍於諸田。太仁薛公。則大臣無重。太仁則縱之驕奢。不修德義。衆必輕之。故威不得重也。太不忍諸田。則父兄犯法。大臣無重。則兵弱於外。父兄犯法。則政亂於內。兵弱於外。政亂於內。此亡國之本也。

魏惠王謂卜皮曰子聞寡人之聲聞亦何如焉對曰臣聞王之
慈惠也王欣然喜曰然則功且安至對曰王之功至於亡王曰
慈惠行善也行之而亡何也卜皮對曰夫慈者不忍而惠者好
與也不忍則不誅有過好予則不待有功而賞有過不罪無功
受賞雖亡不亦可乎

蘇秦通
一作常

齊國好厚葬布帛盡於衣衾材木盡於棺槨桓公患之以告管
仲曰布帛盡則無以為蔽材木盡則無以為守備而人厚葬之
不休禁之柰何管仲對曰凡人之有為也非名之則利之也於
是乃下令曰棺槨過度者戮其尸罪夫當喪者夫戮死無名罪
當喪者無利人何故為之也

死屍省
文

衛嗣君之時有胥靡逃之魏因為襄王之后治病魏襄王之后也衛嗣
君聞之使人請以五十金買之五反而魏王不予乃以左氏易
之左氏都邑名也羣臣左右諫曰夫以一都買胥靡可乎王曰非子之所

王或作
君可從

知也夫治無小而亂無大若不治小者則大亂起也法不立而誅不必誅不必故曰雖有十左氏無益也法立而誅必雖失十左氏無害也
魏王聞之曰主欲治而不聽之不祥因載而往徒獻之徒獻雖胥靡不取都金
三齊王問於文子曰治國何如對曰夫賞罰之為道利器也君
固握之不可以示人若如臣者猶獸鹿也唯薦草而就獸鹿就薦草人
臣歸厚賞故賞罰之
利器不可示於人也
越王問於大夫文種曰吾欲伐吳可乎對曰可矣吾賞厚而信
罰嚴而必君欲之何不試焚宮室於是遂焚宮室人莫救之乃
下令曰人之救火者死比死敵之賞救火而不死者比勝敵之
賞不救火者比降北之罪人塗其體被濡衣而走火者左三千
人右三千人此知必勝之勢也

欲下一
有知字
者死作
而死者
三字

吳起為魏武侯西河之守秦有小亭臨境吳起欲攻之不去則
甚害田者言小亭能為田者害政當去之去之則不足以徵甲兵故也於是乃

越王以
下提
行是
年下疑
脫人字
毀下疑
脫人字
譽一
作

倚一車轅於北門之外而令之曰有能徙此南門之外者賜之
上田上宅人莫之徙也及有徙之者還賜之如令俄又置一石
赤菽東門之外而令之曰有能徙此於西門之外者賜之如初
人爭徙之乃下令大夫曰明日且攻亭有能先登者仕之國大
夫賜之上田宅人爭趨之於是攻亭一朝而拔之

李悝為魏文侯上地之守而欲人之善射也乃下令曰人之有
狐疑之訟者令之射的的所中者勝不中者負令下而人皆
疾習射日夜不休及與秦人戰大敗之以人之善戰射也

宋崇門之巷人服喪而毀甚瘠上以為慈愛於親舉以為官師
明年人之所以毀死者歲十餘人子之服親喪者為愛之也而
尚可以賞勸也況君上之於民乎君而無賞則功不立越王慮伐吳也慮謀

欲人之輕死也出見怒鼉乃為之式從者曰奚敬於此王曰為其
有氣故也明年之請以頭獻王者歲十餘人由此觀之毀之足

曰一作
越是在
其後借
一作吳
助疑當
作勸

以殺人矣舉於勇則入之以頭獻

一曰越王勾踐見怒鼉而式之御者曰何為式王曰鼉有氣如

此可無為式乎士人聞之曰鼉有氣王猶為式況士人有勇者

乎是歲人有自剄死以其頭獻者剄割也故曰王將復吾而試其

教燔臺而鼓之使民赴火者賞在火也火雖殺人赴之必得賞故赴之不懼也臨

江而鼓之使人赴水者賞在水也臨戰而使人絕頭剄腹而無顧

心者賞在兵也又況據法而進賢其助甚此矣進賢可以得賞又無水火之難

韓昭侯使人藏弊袴侍者曰君亦不仁矣弊袴不以賜左右而

藏之昭侯曰非子之所知也吾聞明主之愛一嘖一笑必其愛其

其能善不嘖有為嘖而笑有為笑今夫袴豈特嘖笑哉嘖笑尚

無功而與也况弊袴豈可以袴之與嘖笑遠矣吾必待有功者故收藏之未

有予也

下王疑
當作君
公上一
有鄭字

鱸似蛇螾蟲似蠅人見蛇則驚駭見蠅則毛起然而婦人拾螾蟲漁者握鱸利之所在則忘其所惡皆為孟賁鱸螾有利故人握拾比皆有孟賁之勇四魏王謂鄭王曰始鄭梁一國也已而別今願復得鄭而合之梁鄭君患之召羣臣而與之謀所以對魏公子謂鄭君曰此甚易應也君對魏曰以鄭為故魏而可合也則弊邑亦願得梁而合之鄭魏王乃止

欲將
也一無
得疑當
作德三
以行是

齊宣王使人吹竽必三百人南郭處士請為王吹竽宣王說之廩食以數百人廩給宣王死湣王立好一聽之處士逃一日韓昭侯曰吹竽者衆吾無以知其善者田嚴對曰一一而聽之趙令人因申子於韓請兵將以攻魏申子欲言之君而恐君之欲疑已外市也為外請兵取其貨利故曰市不則恐惡於趙乃令趙紹韓沓嘗試君之動貌而後言之許不之貌必有變動內則知昭侯之意意外則有得趙之功既為之請若許其恩固以成不許終以為之請矣亦不敢許其恩固趙之功也三

韓疑當
作泰講
通下
七講字
同

上也疑
併韓疑
當作泰
下王字
疑行

國至韓王謂樓緩曰三國之兵深矣寡人欲割河東而講何如講謂有急且與之後寧將復取事疑存終反復若講論故曰講對曰夫割河東大費也免國於患大功也此父兄之任也王何不召公子汜而問焉王召公子汜而告之對曰講亦悔不講亦悔王今割河東而講三國歸王必曰三國固且去矣吾特以三城送之三國自去又與之城是徒以三城為送此悔之辭不講三國也入韓則國必大舉矣王必大悔王曰不獻三城也若不講之三國入而韓必大舉王必悔曰不獻三城之故也臣故曰王講亦悔不講亦悔王曰為我悔也寧止三城而悔無危乃悔寡人斷講矣言講事斷定應侯謂秦王曰王得宛葉藍田陽夏斷河內困梁鄭所以未王者趙未服也弛上黨在一而已廢上黨弃一郡而已以臨東陽則邯鄲口中風也以守上黨之兵臨東陽則邯鄲危如口中風也王拱而朝天下後者以兵中之也中傷然上黨之安樂其處甚劇臣恐弛之而不聽柰何今上黨既安樂而其處又煩劇雖欲弛之恐王不聽王曰必弛易之矣謂移易其兵以臨東陽吾斷定矣

宋上一
有為字
是

上之一
作知是

五。龐敬縣令也。遣市者行而召公大夫而還之。公大夫亦遣為市立以
 間。無以詔之。卒遣行。不命卒遣去俱不測其由也市者以為令與公大夫有
 言不相信。以至無姦。大夫雖告以不命復亦不信故不敢為姦
 戴驩。宋太宰夜使人曰。吾聞數夜有乘輻車至李史門者。謹為
 我伺之。使人報曰。不見輻車。見有奉笥而與李史語者。有間。李
 史受笥。遣伺輻車故實奉笥本令伺奉笥彼當易其辭
 周主亡玉簪。令吏求之三日不能得也。周主令人求而得之家
 人之屋間。周主曰。吾之吏之不事事也。不事於臣之事也求簪三日不
 得之。吾令人求之不移日而得之。於是吏皆聳懼以為君神明也。
 商太宰使少庶子之市。顧反而問之曰。何見於市。對曰。無見也。
 太宰曰。雖然何見也。對曰。市南門之外甚眾。牛車僅可以行耳。
 太宰因誡使者無敢告人。吾所問於女。因召市吏而誚之曰。市
 門之外何多牛屎。市吏甚怪。太宰知之疾也。乃悚懼其所也。

割一作
識韓昭
以下提
行下昭
下有侯
字並是
入而無
是

六韓昭侯握爪而佯亡一爪。求之甚急。左右因割其爪而效之。
 昭侯以察左右之臣不割。割爪韓昭侯使騎於縣。使者報昭侯問
 曰。何見也。對曰。無所見也。昭侯曰。雖然何見。曰。南門之外有黃
 犢。食苗道左者。昭侯謂使者毋敢洩。吾所問於女。乃下令曰。當
 苗時。禁牛馬入人田中。固有令。入而吏不以為事。牛馬甚多入
 人田中。亟舉其數。上之不得。將重其罪。於是三鄉舉而上之。昭
 侯曰。未盡也。復往審之。乃得南門之外黃犢。吏以昭侯為明察。皆
 悚懼其所。而不敢為非。
 周主下令索曲杖。吏求之數日不能得。周主私使人求之。不移日而
 得之。乃謂吏曰。吾知吏不事事也。曲杖甚易也。而吏不能得我令人
 求之。不移日而得之。豈可謂忠哉。吏乃皆悚懼其所。以君為神明。
 上皮為縣令。其御史汙滅而有愛妾。上皮乃使少庶子佯愛之。
 御史愛以知御史陰情。

趙王呂倉規秦楚宋石遺衛君書白圭教暴譴

利異二

似類之事。人主之所以失誅而大臣之所以成私也。是以門人捐水而夷射誅濟陽自矯而二人罪司馬喜殺爰寢而季子辛。鄭袖言惡莫而新人劓費無忌教却宛而令尹誅陳需殺張壽。而犀首走故燒芻廬而中山罪殺老儒而濟陽賞也。

似類三

事起而有所利其市主之有所害必反察之是以明主之論也。國害則省其利者臣害則察其反者其說在楚兵至而陳需相忝種貴而廩吏覆是以昭奚恤執馭茅而不僖侯譙其次文公髮繞炙而穰侯請立帝。

有反四

參疑之勢亂之所由生也。故明主慎之是以晉驪姬殺太子申。

辛下一
有誅字

不疑當
作昭

生而鄭夫人用毒藥衛州吁殺其君完公子根取東周王子職甚有寵而商臣果作亂嚴遂韓廐爭而哀侯果遇賊田常闕止戴驩皇喜敵而宋君簡公殺其說在狐突之稱二好與鄭昭之對未生也。

參疑五

敵之所務在淫察而就靡人主不察則敵廢置矣。故文王資費仲而秦王患楚使黎且去仲尼而干象沮甘茂是以子胥宣王言而子常用內美而虞號亡佯遺書而長引死用雞猴而鄧桀盡。

廢置六

參疑廢置之事明主絕之於內而施之於外資其輕者輔其弱者此謂廟攻參伍既用於內觀聽又行於外則敵偽得其說在秦侏儒之告惠文君也。故襄疵言襲鄴而嗣公賜令席。

廟攻右經

黎說作
梨之作
並梨假
借且鍾
省字一
無王字
美下有
人字並
是

一勢重者。人主之淵也。臣者。勢重之魚也。魚失於淵。而不可復得也。人主失其勢。重於臣。而不可復收也。古之人。難正言。故託之於魚。賞罰者。利器也。君操之以制臣。臣得之以擁主。故君先見所賞。則臣嚮之。以為德。君先見所罰。則臣嚮之。以為威。故曰。國之利器。不可以示人。

靖郭君相齊。與故人久語。則故人由懷左右。刷則左右重。久語懷。刷小資也。猶以成富。況於吏勢乎。

晉厲公之時。六卿貴。胥僮長魚矯諫曰。大臣貴重。敵主爭事。外市。樹黨。下亂國法。上以劫主。而國不危者。未嘗有也。公曰。善。乃誅三卿。胥僮長魚矯又諫曰。夫同罪之人。偏誅而不盡。是懷怨而借之間也。公曰。吾一朝而夷三卿。予不忍盡也。長魚矯對曰。公不忍之。彼將忍公。公不聽。居三月。諸卿作難。遂殺厲公。而分其地。州侯相荆。貴而主斷。荆王疑之。因問左右。左右對曰。無有。如出。

燕人以
下一提
行是意
故疑

一不重
好宗上
之作至
並是
皆下一
有曰宗
是

官公子
以下十
一字為
荆王語
制下疑
脫一曰
二字

一口也。燕人無惑。故浴狗矢。燕人其妻有私通於士。其夫早自外而來。士適出。夫曰。何客也。其妻曰。無客。問左右。左右言。無有。如出一口。其妻曰。公惑易也。因浴之以狗矢。一曰。燕人李季好。好遠。出其妻。私有通於士。季突之。士在內中。妻患之。其室婦曰。令公子裸。而解髮。直出門。吾屬佯不見也。於是公子從其計。疾走出門。季曰。是何人也。家室皆無。有季曰。吾見鬼乎。婦人曰。然。為之柰何。曰。取五姓之矢。尿浴之。季曰。諾。乃浴以矢。一曰。浴以蘭湯。二。衛人有夫妻。禱者。而祝曰。使我無故。得百來束布。其夫曰。何少也。對曰。益是子。將以買妾。

荆王欲官諸公子於四隣。戴歇曰。不可。官公子於四隣。四隣必重之。曰。子出者。重重則必為所重。之國黨。則是教子於外市。也不便。

魯孟孫叔孫季孫相戮力。劫昭公。遂奪其國。而擅其制。魯三相。

一無上
公字有
下有季
字逆是

政功通
一作功

程以下
一提行
是
構嫌遠

公偃昭公攻季孫氏而孟孫氏叔孫氏相與謀曰救之乎叔孫
氏之御者曰我家臣也安知公家凡有孫與無季孫於我孰利
皆曰無季孫必無叔孫然則救之於是撞西北隅而入孟孫見
叔孫之旗入亦救之三桓為一昭公不勝逐之死於乾侯
公叔相韓而有攻齊公仲甚重於王公叔恐王之相公仲也使
齊韓約而攻魏公叔因內齊軍於鄭以劫其君以固其位而信
兩國之約翟璜魏王之臣也而善於韓乃召韓兵令之攻魏因
請為魏王構之以自重也
越王攻吳王吳王謝而告服越王欲許之范蠡大夫種曰不可
昔天以越與吳吳不受今天反夫差亦天禍也以吳予越再拜
受之不可許也太宰嚭遺大夫種書曰狡兔盡則良犬烹敵
國滅則謀臣亡大夫何不釋吳而患越乎大夫種受書讀之太
息而歎曰殺之越與吳同命

呂以下
一提行
是

君一作
軍是

一無王
字是徐
疑當作

疑一作
瀝是

大成牛從趙謂申不害於韓曰以韓重我於趙請以趙重子於
韓是子有兩韓我有兩趙
司馬喜中山君之臣也而善於趙嘗以中山之謀微告趙王呂
倉魏王之臣也而善於秦荆微諷秦荆令之攻魏因請行和以
自重也
宋石魏將也衛君荆將也兩國構難二子皆將宋石遺衛君書
曰二君相當兩旗相望唯母一戰戰必不兩存此乃兩主之事
也與子無有私怨善者相避也
白圭相魏王暴謹相韓白圭謂暴謹曰子以韓輔我於魏我以
魏待子於韓臣長用魏子長用韓
三齊中大夫有夷射者御飲於王醉甚而出倚於郎門門者別
跪請曰足下無意賜之餘隸乎夷射曰叱去刑餘之人何事乃
敢乞飲長者別跪走退及夷射去別跪因捐水郎門雷下類溺者

之狀。明日王出而訶之曰。誰溺於是。則跪對曰。臣不見也。雖然。昨日中大夫夷射立於此。王因誅夷射而殺之。

魏王臣二人不善。濟陽君。濟陽君因僞令人矯王命而謀攻己。王使人問濟陽君。濟陽君曰。誰與恨。對曰。無敢與恨。雖然。嘗與二人不善。不足以至於此。王問左右。左右曰。固然。王因誅二人者。季辛與爰騫相怨。司馬喜新與季辛惡。因微令人殺爰騫。中山之君。以為季辛也。因誅之。

一不重
濟陽君
是

為猶若
也

悖勃逸

荆王所愛妾有鄭袖者。荆王新得美女。鄭袖因教之曰。王甚喜人之掩口也。為近王必掩口。美女入見。近王因掩口。王問其故。鄭袖曰。此固言惡王之鼻。及王與鄭袖。美女三人坐。袖因先誠御者曰。王適有言。必亟聽從。王言美女前。近王甚數掩口。王悖然怒曰。鼻之御因揄刀而劓美人。一曰。魏王遺荆王美人。荆王甚悅之。夫人鄭袖知王悅愛之也。亦悅愛之。甚於王衣服玩好。

為謂也

擇其所欲為之。王曰。夫人知我愛新人也。其悅愛之甚於寡人。此孝子所以養親。忠臣之所以事君也。夫人知王之不以己為妬也。因為新人曰。王甚悅愛子。然惡子之鼻。子見王常掩鼻。則王長幸子矣。於是新人從之。每見王常掩鼻。王謂夫人曰。新人見寡人常掩鼻。何也。對曰。不已知也。王強問之。對曰。頃嘗言惡聞王鼻。王怒曰。鼻之夫人先誠御者曰。王適有言。必可從命。御者因揄刀而劓美人。

費無極。荆令尹之近者也。邾宛新事令尹。令尹甚愛之。無極因謂令尹曰。君愛宛甚。何不為酒其家。令尹曰。善。因令之。為具於邾宛之家。無極教宛曰。令尹甚傲而好兵。子必謹敬。先亟陳兵堂下及門庭。宛因為之。令尹往而大驚曰。此何也。無極曰。君殆去之事。未可知也。令尹大怒。舉兵而誅邾宛。遂殺之。

犀首與張壽為怨。陳需新入不善。犀首因使人微殺張壽。魏王

以為犀首也乃誅之

中山有賤公子馬甚瘦車甚弊左右有私不善者乃為之請王曰公子甚貧馬甚瘦王何不益之馬食王不許左右因微令夜燒芻廐王以為賤公子也乃誅之

依經作廐

下有疑

開闕省

魏有老儒而不善濟陽君客有與老儒私怨者因攻老儒殺之以德於濟陽君曰臣為其不善君也故為君殺之濟陽君因不察而賞之曰濟陽君有少庶子有不見知欲入愛於君者齊使老儒掘藥於馬梨之山濟陽少庶子欲以為功入見於君曰齊使老儒掘藥於馬梨之山名掘藥也實間君之國君殺之是將以濟陽君抵罪於齊矣臣請刺之君曰可於是明日得之城陰而刺之濟陽君還益親之

四陳需魏王之臣也善於荆王而令荆攻魏荆攻魏陳需因請為魏王行解之因以荆勢相魏

韓昭侯之時忝種嘗貴甚昭侯令人覆廩吏果竊忝種而糶之甚多

竊殺嘗作窮

昭奚恤之用荆也有燒倉廩者而不知其人昭奚恤令吏執販茅者而問之果燒也

昭僖侯之時宰人上食而羹羹中有生肝焉昭侯召宰人之次而誚之曰若何為置生肝寡人羹中宰人頓首服死罪曰竊欲去尚宰人也一曰僖侯浴湯中有礫僖侯曰尚浴免則有當代者乎左右對曰有僖侯曰召而來譙之曰何為置礫湯中對曰尚浴免則臣得代之是以置礫湯中

上尚字與上通下尚字與掌通

臣一作人

文公之時宰臣上炙而髮繞之文公召宰人而譙之曰女欲寡人之哽耶奚為以髮繞炙宰人頓首再拜請曰有死罪三援礪砥刀利猶干將也切肉肉斷而髮不斷臣之罪一也援木而貫鬻而不見髮臣之罪二也奉熾爐灰火盡赤紅而炙熟而髮不燒

未子十

一無財

臣之罪三也。堂下得財無微有疾。臣者乎。公曰善。乃召其堂下而譙之。果然。乃誅之。曰。晉平公觴客。少庶子進炙。而髮繞之。平公趣殺炮人。母有反。令炮人呼天曰。嗟乎。臣有三罪死而不自知乎。平公曰。何謂也。對曰。臣刀之利。風靡骨斷。而髮不斷。是臣之一死也。桑炭炙之肉紅白。而髮不焦。是臣之二死也。炙熟。又重睫而視之。髮繞炙。而目不見。是臣之三死也。意者。堂下其有醫憎臣者乎。殺臣不亦蚤乎。

不疑當

穰侯相秦而齊強。穰侯欲立秦為帝。而齊不聽。因請立齊為東帝。而不能成也。

患疑當

五。晉獻公之時。驪姬貴。擬於后妻。而欲以其子奚齊代太子申生。因患申生於君而殺之。遂立奚齊為太子。鄭君已立太子矣。而有所愛美女。欲以其子為後。夫人恐。因用毒藥賊君殺之。

衛州吁重於衛。擬於君。羣臣百姓盡畏其勢重。州吁果殺其君而奪之政。

公子朝。周太子也。弟公子根甚有寵於君。君死。遂以東周叛。分為兩國。

王下殺
脫以字
人一作
臣是為
朝通

楚成王以商臣為太子。既而又欲置公子職。商臣作亂。遂攻殺成王。曰。楚成王。商臣為太子。既欲置公子職。商人聞之。未察也。乃為其傅潘崇曰。柰何察之也。潘崇曰。饗江芊而勿敬也。太子聽之。江芊曰。呼。役夫。且。君王之欲廢女而立職也。商臣曰。信矣。潘崇曰。能事之乎。曰。不能。能為之諸侯乎。曰。不能。能舉大事乎。曰。能。於是乃起宿營之甲。而攻成王。成王請食熊蹯而死。不許。遂自殺。

韓廆相韓哀侯。嚴遂重於君。二人甚相害也。嚴遂乃令人刺韓廆於朝。韓廆走君而抱之。遂刺韓廆而兼哀侯。

田恒相齊闕止重於簡公二人相憎而欲相賊也田恒因行私

惠以取其國遂殺簡公而奪之政戴驩為宋太宰皇喜重於君二人爭事而相害也皇喜遂殺宋君而奪其政

狐突曰國君好內則太子危好外則相室危

鄭君問鄭昭曰太子亦何如對曰太子未生也君曰太子已置

而曰未生何也對曰太子雖置然而君之好色不已所愛有子

君必愛之愛之則必欲以為後臣故曰太子未生也

六文王資費仲而遊於紂之旁令之諫紂而亂其心

荆王使人之秦秦王甚禮之王曰敵國有賢者國之憂也今荆

王之使者甚賢寡人患之羣臣諫曰以王之賢聖與國之資厚

願荆王之賢人王何不深知之而陰有之荆以為外用也則必

願當
作意有
賄省字

諫通
一作問

樂
借

仲尼為政於魯道不拾遺齊景公患之梨且謂景公曰去仲尼
猶吹毛耳君何不迎之以重祿高位遺哀公女樂以驕榮其意
哀公新樂之必怠於政仲尼必諫諫必輕絕於魯景公曰善乃
令犁且以女樂六遺哀公哀公樂之果怠於政仲尼諫不聽去
而之楚

楚王謂干象曰吾欲以楚扶甘茂而相之秦可乎干象對曰不

可也王曰何也曰甘茂少而事史舉先生史舉上蔡之監門也

大不事君小不事家以苛刻聞天下茂事之順焉惠王之明張

儀之辨也茂事之取十官而免於罪是茂賢也王曰相人敵國

而相賢其不可何也干象曰前時王使邵滑之越五年而能亡

越所以然者越亂而楚治也日者知用之越今亡之秦不亦太

亟亡乎王曰然則為之奈何干象對曰不如相共立王曰共立

王疑當
作玉

三亡字
與通

可相何也對曰共立少見愛幸長為貴卿被王衣含杜若握玉

政一作
改是
晉以下
一提示
是發發
假借

環以聽於朝且利以亂秦矣公立一云
吳政荆子宵使人宣言於荆曰子期用將擊之子常用將去之
荆人聞之因用子常而退子期也吳人擊之遂勝之晉
獻公伐虞號乃遺之屈產之乘垂棘之璧女樂六以榮其
意而亂其政

與舉通

叔向之說甚引也為書曰甚引謂叔向曰子為我謂晉君所與
君期者時可矣何不亟以兵來因佯遺其書周君之庭而急去
行周以甚引為賣周也乃誅甚引而殺之

理一作
理是

鄭栢公將欲襲鄆先問鄆之豪傑良臣辯智果敢之士盡與姓
名擇鄆之良田賂之為官爵之名而書之因為設壇場郭門之
外而理之費之以雞豕若盟狀鄆君以為內難也而盡殺其良
臣栢公襲鄆遂取之

此條一
在秦條
儒後是

鄆令襄疵陰善趙王左右趙王謀襲鄆襄疵常輒聞而先言之

一重魏
王三字
是

魏王備之趙乃輒還

上有猶
置也

七秦侏儒善於荆王而陰有善荆王左右而內重於惠文君荆
適有謀侏儒常先聞之以告惠文君

衛嗣君之時有人於令之左右縣令有發蓐而席弊甚嗣公還
令人遺之席曰吾聞汝今者發蓐而席弊甚賜汝席縣令大驚
以君為神也

韓非子卷第十

虞與伏 同省作 密或 誤作密 李疑當 作李季 梁也深 上一有 迂字是 長疑當 作魏魏 年也震 疑當作 慎慎到 也車疑 當作陳 陳駢也 狀字疑 行言而 疑當作 行有墨 疑行

韓非子卷第十一

外儲說左上第三十二

一明主之道。如有若之應。密子也。明主之聽言也。美其辯。其觀行也。賢其遠。故羣臣士民之道。言者迂引。其行身也。離世其說。在田鳩對荆王也。故墨子為木鳥。諷矣。築武宮。美藥酒。用言明君聖主之以獨知也。

二。人主之聽言也。不以功用為的。則說者多棘刺白馬之說。不以儀的為關。則射者皆如羿也。人主於說也。皆如燕王學道也。而長說者。皆如鄭人爭年也。是以言有纖察微難。而非務也。故李惠宋墨。皆畫策也。論有深闕大非用也。故畏震瞻車。狀皆鬼魅也。言而拂難。堅確非功也。故務下鮑介。墨翟皆堅瓠也。且虞慶誦匠也。而屋壞。范且窮工。而弓折。是故求其誠者。非歸餉也。不可。

挾夫一
倒足誤
疑當依
經作譏

三挾夫相為則責望自為則事行故父子或怨譟取庸作者進
美善美說在文公之先宣言與勾踐之稱如皇也故桓公藏蔡怒
而攻楚吳起懷瘻實而吮傷且先王之賦頌鍾鼎之銘皆播吾
之跡華山之博也然先王所期者利也所用者力也築社之諺
自辭說也請許學者而行宛曼於先王或者不宜乎如是
能更也鄭縣人得車厄也衛人佐弋卜子妻寫弊袴也而其少
者也先王之言有所為小而世意之大者有所為大而世
意亦者未可知也說在宋人之解書與梁人之讀記也故先
王有郢書而後世多燕說夫不適國事而謀先王皆歸取度
者也

信一作
能下
作不並
是

四利之所在民歸之名之所彰士死之是以功外於法而賞加
焉則上不信得所利於下名外於法而譽加焉則士勸名而下
畜之於君故中章有已仕而中牟之民弃田圃而隨文季者邑

記疑當
作託者
上疑脫
慕叔尚
三字
共疑當
作甚

之半平公腓痛足痺而不敢壞坐晉國之辭仕記者國之錘此
三士者言襲法則官府之籍也行中事則如令之民也二君之
禮太甚若言離法而行遠功則繩外民也二君又何禮之當立
且居學之士國無事不用力有難不被甲禮之則惰脩耕戰之
功不禮則周主上之法國安則尊顯危則為屈公之威入主奚
得於居學之士哉故明王論李疵視中山也

位蒞通
一作蒞
走上
有日為
下三字
去作大
並是

五詩曰不躬不親庶民不信傳說之以無衣紫綏之以鄭簡宋
襄責之以尊厚耕戰夫不明分不責誠而以躬親位下走睡卧
與去揜弊微服孔丘不知故稱猶孟鄒君不知故先自侈明主
之道如叔向賦獵與昭侯之奚聽也
六小信成則大信立故明主積於信賞罰不信則禁令不行說
在文公之攻原與箕鄭救餓也是以吳起須故人而食文侯會
虞人而獵故明主信如曾子殺彘也患在尊厲王擊警鼓與

信上一
有表宗
是尊疑
當作楚

次行一
有右經
二字是

李悝謾兩和也

一宓子賤治單父有若見之曰子何矐也宓子曰君不知賤不肖使治單父官事急心憂之故矐也有若曰昔者舜鼓五絃歌南風之詩而天下治今以單父之細也治之而憂治天下將奈何乎故有術而御之身坐於廟堂之上有處女子之色無害於治無術而御之身雖瘁矐猶未有益

一無而
字是下
衍字疑

楚王謂田鳩曰墨子者顯李也其身體則可其言多而不辯何也曰昔秦伯嫁其女於晉公子今晉為之飾裝從衣文之勝七十人至晉晉人愛其妾而賤公女此可謂善嫁妾而未可謂善嫁女也楚人有賣其珠於鄭者為木蘭之櫃薰桂椒之櫝綴以珠玉飾以玫瑰輯以翡翠鄭人買其櫝而還其珠此可謂善賣櫝矣未可謂善賣珠也今世之談也皆道辯說文辭之言人主覽其文而忘有用墨子之說傳先王之道論聖人之言以宣告人

言
作真

若辯其辭則必懷其文忘其直以文害用也此與楚人鬻珠秦伯嫁女同類故其言多不辯

曰下
有善

墨子為木鳶三年而成蜚一日而敗弟子曰先生之巧至能使木為飛墨子曰不如為車輓者巧也用咫尺之木不費一朝之事而引三十石之任致遠力多久於歲數今我為鳶三年成蜚一日而敗惠子聞之曰墨子大巧巧為輓拙為鳶

不勝
不能

宋王與齊仇也築武宮謳癸倡行者止觀築者不倦王聞召而賜之對曰臣師射稽之謳又賢於癸王召射稽使之謳行者不止築者知倦王曰行者不止築者知倦其謳不勝如癸美何也對曰王試度其功癸四板射稽八板其堅癸五寸射稽二寸夫良藥苦於口而智者勸而飲之知其入而已已疾也忠言拂於耳而明主聽之知其可以致功也

母猴
下同

二宋人有請為燕王以棘刺之端為母猴者必三月齋然後能

鄭人有相與爭年者。其一人曰：我與黃帝之兄同年。訟此而不決。以後息者為勝耳。

英英假借英集同

客有為周君畫莢者。三年而成。君觀之。與髮莢者同狀。周君大怒。畫莢者曰：莢十版之墻。數丈尺之幄。而以日始出時加之。其上而觀。周君為之望。見其狀。畫成龍蛇禽獸車馬萬物之狀。備具。周君大悅。此莢之功。非不微難也。然其用與素髮莢同。

此下疑脫畫字

客有為齊王畫者。齊王問曰：畫孰最難者？曰：犬馬難。孰易者？曰：鬼魅最易。夫犬馬人所知也。且暮合於前。不可類之。故難。鬼神無形者。不整於前。故易之也。

齊有居士田仲者。宋人屈穀見之。曰：穀聞先生之義。不恃仰人而食。今穀有樹瓠之道。堅如石。厚而無竅。獻之。仲曰：夫瓠所貴者。謂其可以盛也。今厚而無竅。則不可剖。以盛物。而任重如堅石。則不可以剖。而以斟。吾無以瓠為也。曰：然。穀將以欲弃之。今

有猶為也。謂為通剖行任重字。下辭而衍。登裝倒。

田仲不恃仰人而食。亦無益人之國。亦堅瓠之類也。

蓋舊也。虞慶曰不然。五字一在更字。上定宜果猶言將早也。直下。有以直二字是。

虞慶為屋。謂匠人曰：屋太尊。匠人對曰：此新屋也。塗濡而椽生。虞慶曰：不然。夫濡塗重。而生椽撓。以撓椽任重塗。此且卑。更曰：久則塗乾。而椽燥。塗乾則輕。椽燥則直。椽任輕塗。此益尊。匠人訕為之。而屋壞。曰：虞慶將為屋。匠人曰：材生而塗濡。夫材生則撓。塗濡則重。以撓任重。今雖成。久必壞。虞慶曰：材乾則直。塗乾則輕。今誠得乾。日以輕直。雖久必不壞。匠人訕作之。成有間。屋果壞。

范且曰：弓之折。必於其盡也。不於其始也。夫工人張弓也。伏檠三旬。而蹈弦。一日犯機。是節之其始。而暴之其盡也。烏得無折。且張弓不然。伏檠一日。而蹈弦三旬。而犯機。是暴之其始。而節之其盡也。工人窮也。為之弓折。

范且虞慶之言。皆文辯辭勝。而反事之情。入主說而不禁。此所

以敗也。夫不謀治強之功而艷乎辯說文麗之聲。是却有術之士而任壞屋折弓也。故人主之於國事也。皆不達乎工匠之構屋張弓也。然而士窮乎。

士窮當作士旦

當作且

范且以

下當連

上為一

章

也下裁

脫五正

二字

夫嬰兒相與戲也。以塵為飯。以塗為羹。以木為戲。然至日晚必歸。饒者塵飯塗羹。可以戲而不可食也。夫稱上古之傳頌辯而不慙。道先王仁義而不能正國者。此亦可以戲而不可以為治也。夫慕仁義而弱亂者。三晉也。不慕而治強者。秦也。然而未帝者。治未畢也。

賣穀官作買求

字疑衍

熟上疑

脫且字

耘穀當

作云一

無上者

字是調

疑當作

三人為嬰兒也。父母養之簡。子長而怨。子盛壯成人。其供養薄。父母怒而誚之。子父至親也。而或譙或怨者。皆挾相為而不周於為己也。夫賣庸而播耕者。主人費家而美食。調布而求易錢者。非愛庸客也。曰如是耕者。且深耨者。孰耘也。庸客致力而疾耘。耕者盡巧而正畦。陌畦時者。非愛主人也。曰如是羹且美。錢布且易去也。此其養功力有父子之澤矣。而心調於用者。皆挾自為心也。故人行事施子以利之。為心則越人易和。以害之。為心則父子離且怨。

文公伐宋。乃先宣言曰。吾聞宋君無道。蔑侮長老。分財不中。教令不信。余來為民誅之。

越伐吳。乃先宣言曰。我聞吳王築如皇之臺。掘深池。罷苦百姓。前靡財貨。以盡民力。余為民誅之。

蔡女為桓公妻。桓公與之乘舟。夫人蕩舟。桓公大懼。禁之不止。

怒而出之。乃且復召之。因復更嫁之。桓公大怒。將伐蔡。仲父諫曰。夫以寢席之戲。不足以伐人之國。功業不可冀也。請無以此為稽也。桓公不聽。仲父曰。必不得已。楚之菁茅。不貢於天子三年矣。君不如舉兵為天子伐楚。楚服。因還襲蔡。曰。余為天子伐楚。而蔡不以兵聽從。遂滅之。此義於名。而利於實。故必有天子誅之名。而有報讎之實。吳起為魏將。而攻中山。軍人有病疽者。吳起跪而自吮其膿。傷者之母泣。人問曰。將軍於若子如是。尚何為而泣。對曰。吳起吮其父之創。而父死。今是子又將死也。今吾是以泣。

有下一是吳起以行是

趙主父令工施鈎梯。而緣播吾。刻踈人迹。其上廣三尺。長五尺。而勒之曰。主父常遊於此。

秦昭王令工施鈎梯。而上華山。以松柏之心為博箭。長八尺。棊長八寸。而勒之曰。昭王嘗與天神博於此矣。

回疑當作面者上疑脫黑字

據一作據是

文公反國。至河。令籩豆捐之。席蓐捐之。手足胼胝。回目黧者。後之咎。犯聞之。而夜哭。公曰。寡人出亡二十年。乃今得反國。咎犯聞之。不喜而哭。意不欲寡人反國耶。犯對曰。籩豆所以食也。席蓐所以卧也。而君捐之。手足胼胝。面目黧黑。勞有功者也。而君後之。今臣有與在後。中不勝其哀。故哭。且臣為君行詐偽。以反國者衆矣。臣尚自惡也。而況於君。再拜而辭。文公止之曰。諺曰。築社者。攜擻而置之。端冕而祀之。今子與我取之。而不與我治之。與我置之。而不與我祀之。烏可解左驂而盟于河。

鄭縣人乙子。使其妻為袴。其妻問曰。今袴何如。夫曰。象吾袴。妻子因毀新。令如故袴。

鄭縣人有得車軛者。而不知其名。問人曰。此何種也。對曰。此車軛也。俄又復得。問人曰。此是何種也。對曰。此車軛也。問者大怒曰。曩者曰車軛。今又曰車軛。是何衆也。此女欺我也。遂與之鬪。

衛人有佐弋者。鳥至因先以其捲麾之。鳥驚而不射也。
鄭縣人乙子妻之市。買鼈以歸。過潁水以為渴也。因縱而飲之。
遂亡其鼈。

夫少者侍長者飲。長者飲亦自飲也。一曰魯人有自喜者。見長
年飲酒不能醕。則唾之亦效唾之一曰宋人有少者亦欲效善。

非猶不也。對疑。當作境。練亦泉也。一氣。下書字。是。

見長者飲無餘。非斟酒飲也。而欲盡之。
書曰。紳之束之。宋人有治者。因重帶自紳束也。人曰。是何也。書
對曰。書言之。固然。書曰。既雕既琢。還歸其璞。梁人有治者。動作
言學。舉事於文。曰。難之。顧失其實。人曰。是何也。對曰。書言。豈固然
耶。人有遺燕相國書者。夜書。火不明。因謂持燭者曰。舉燭云。而
過書。舉燭。舉燭。非書意也。燕相受書而說之曰。舉燭者。尚明也。
尚明也者。舉賢而任之。燕相白王大說。國以治。治則治矣。非書
意也。今世舉學者多似此類。

一舉舉字是。

上置一作買是。

鄭人有且置履者。先自度其足。而置之。其坐至之市。而忘操之。
已得履。乃曰。吾忘持度。反歸取之。及反市罷。遂不得履。人曰。何
不試之以足。曰。寧信度。無自信也。

受後假借。臣疑當作國。其疑當作章。

若下一有是字。

王登為中牟令。上言於襄主曰。中牟有士曰中章。胥已者。其身
甚修。其學甚博。君何不舉之。主曰。子見之。我將為中大夫。相室
諫曰。中大夫。晉重列也。今無功而受。非晉臣之意。君其耳而未
之目邪。襄主曰。我取登。既耳而目之矣。登之所取。又耳而目之。
是耳目人絕無已也。王登一日而見二中大夫。予之田宅。中牟
之人。奔其田。耘賣宅圃。而隨文學者之半。
叔向御坐。平公請事。公胼痛足痺。轉筋而不敢壞坐。晉國聞之。
皆曰。叔向賢者。平公禮之。轉筋而不敢壞坐。晉國之辭。仕託慕
叔向者。國之鍾矣。
鄭縣人有屈公者。聞敵恐。因死。恐已。因生。

見好疑
與猶於
也

下士居
朝疑當
作下朝
居上行
下有一
傳字是

不下一
有得字
重上紫
字無欲
字並是
公曰諾
三字疑
當移與
字下

趙主父使李疵視中山可攻不也。還報曰：中山可伐也。君不亟伐，將後齊燕。主父曰：何故可攻？李疵對曰：其君見好，嚴穴之士所傾，蓋與車以見窮，間隘巷之士以十數，仇禮下布衣之士以百數矣。君曰：以子言論，是賢君也，安可攻？疵曰：不然。夫好顯嚴穴之士而朝之，則戰士怠於行陣；上尊學者，下士居朝，則農夫惰於田，戰士怠於行者，則兵弱也；農夫惰於田者，則國貧也。兵弱於敵，國貧於內，而不亡者，未之有也。伐之不亦可乎？主父曰：善。舉兵而伐中山，遂滅也。

五齊桓公好服紫，國盡服紫，當是時也。五素不紫，桓公患之。謂管仲曰：寡人好服紫，貴甚，國百姓好服紫，不已，寡人柰何？管仲曰：君欲何不試勿衣紫也。謂左右曰：吾甚惡紫之臭，於是左右適有衣紫而進者，公必曰：少却。吾惡紫臭。公曰諾。於是日，郎中莫衣紫，其明日，國中莫衣紫，三日，境內莫衣紫也。一曰

上款一
作王以
作請並
是蓋疑
當作蓋

惠下疑
脫一曰
二字

不一上
疑有脫
字未詳

齊王好衣紫，齊人皆好也。齊國五素不得一紫，齊王患紫，貴傳說王曰：詩云：不躬不親，庶民不信。今欲欲民無衣紫者，王以自解紫衣而朝，羣臣有紫衣進者，曰：益遠。寡人惡臭，是日也。郎中莫衣紫，是月也。國中莫衣紫，是歲也。境內莫衣紫。

鄭簡公謂子產曰：國小迫於荆晉之間，今城郭不完，兵甲不備，不可以待不虞。子產曰：臣閉其外也，已遠矣，而守其內也，已固矣。雖國小，猶不危之也。君其勿憂，是以沒簡公身，無患。子產相鄭，簡公謂子產曰：飲酒不樂也，俎豆不大，鍾鼓竽瑟不鳴，寡人之事，不一。國家不定，百姓不治，耕戰不輯，睦亦子之罪。子有職，寡人亦有職，各守其職。子產退而為政五年，國無盜賊，道不拾遺。桃棗陰於街者，莫有援也。錐刀遺道，三日可反。三年不變，民無飢也。

宋襄公與楚人戰於涿谷上，宋人既成列矣，楚人未及濟，右司

一無下
曰字是

而騶之
而猶與
也韓下
一有極
字是

上疑當
作下為
去聲

馬購強趨而諫曰楚人衆而宋人寡請使楚人半涉未成列而擊之必敗襄公曰寡人聞君子曰不重傷不擒二毛不推人於險不迫人於阨不鼓不成列今楚未濟而擊之害義請使楚人畢涉成陣而後鼓進之右司馬曰君不愛宋民腹心不完特為義耳公曰不反列且行法右司馬反列楚人已成列撰陣矣公乃鼓之宋人大敗公傷股三日而死此乃慕自親仁義之禍夫必恃人主之自躬親而後民聽從是則將令人主耕以為上服戰鴈行也民乃肯耕戰則人主不泰危乎而人臣不泰安乎齊景公游少海傳騎從中來謁曰嬰疾甚且死恐公後之景公遽起傳騎又至景公曰趨駕煩且之乘使騶子韓樞御之行數百步以騶為不疾奪轡代之御可數百步以馬為不進盡釋車而走以煩且之良而騶子韓之巧而以為不如下走也魏昭王欲與官事謂孟嘗君曰寡人欲與官事君曰王欲與官

孔子以
下一提
行是

君上疑
脫鄰字
下長一
作乃斷
二字無
上先字
並是獵
疑當作
祿易上
一有不
字是受
假借

事則何不試習讀法昭王讀法十餘簡而睡卧矣王曰寡人不能讀此法夫不躬親其勢柄而欲為人臣所宜為者也睡不亦宜乎孔子曰為人君者猶孟也民猶水也于孟方水方孟圜水圜鄒君好服長纓左右皆服長纓甚貴鄒君患之問左右左右曰君好服百姓亦多服是以貴君因先自斷其纓而出國中皆不服長纓君不能下令為百姓服度以禁之長纓出以示先民是先戮以蒞民也叔向賦獵功多者受多功少者受少韓昭侯謂申子曰法度甚易行也申子曰法者見功而與賞因能而受官今君設法度而聽左右之請此所以難行也昭侯曰吾自今以來知行法矣寡人奚聽矣一日申子請仕其從兄官時後曰非所李於子也聽子之謁敗子之道乎亡其用子之謁申子辟舍請罪

六晉文公攻原。累十日糧。遂與大夫期。十日至原。十日而原不下。擊金而退。罷兵而去。士有從原中出者。曰：原三日即下矣。羣臣左右諫曰：夫原之食竭力盡矣。君姑待之。公曰：吾與士期十日。不去。是亡吾信也。得原失信。吾不為也。遂罷兵而去。原人聞曰：有君如彼。其信也。可無歸乎？乃降公。衛人聞曰：有君如彼。其信也。可無從乎？乃降公。孔子聞而記之。曰：攻原得衛者信也。文公問箕鄭曰：救餓柰何？對曰：信。公曰：安信？曰：信名。信名則羣臣守職。善惡不踰。百事不怠。信事則不失天時。百姓不踰信義。則近親勸勉。而遠者歸之矣。吳起出。遇故人而止之食。故人曰：諾。今返而御。吳子曰：待公而食。故人至暮不來。起不食。待之。明日早。令人求故人。故人來。方與之食。

鐵饑或同用

魏文侯與虞人期獵。明日會。天疾風。左右止。文侯不聽。曰：不可。

學教義同今一作母非下有是

下曰輔謂也

以風疾之故而失信。吾不為也。遂自驅車往。犯風而罷。虞人曾子之妻之市。其子隨之而泣。其母曰：女還顧。反為女殺。屍適市來。曾子欲捕。屍殺之。妻止之。曰：特與嬰兒戲耳。曾子曰：嬰兒非與戲也。嬰兒非有知也。待父母而學者也。聽父母之教。令子欺之。是教子欺也。父欺子而不信其母。非以成教也。遂烹屍也。楚厲王有警。為鼓以與百姓為戒。飲酒醉過。而擊之也。民大驚。使人止曰：吾醉而與左右戲。過擊之也。民皆罷。居數月。有警。擊鼓而民不赴。乃更令明號。而民信之。李悝警。其兩和曰：謹警。敵人旦暮且至。擊。汝如是者。再三而敵不至。兩和懈怠。不信。李悝居數月。秦人來襲之。至。幾奪其軍。此不信患也。一曰：李悝與秦人戰。謂左和曰：速上右和曰：已上矣。又馳而至。右和曰：左和已上矣。左右和曰：已上矣。於是皆爭上。其明年與秦人戰。秦人襲之。至。幾奪其軍。此不信之患。

以下二條已出七術一
無是到
倒省字
至字疑
行謹遺
假借

有相與訟者。子產離之。而毋得使通辭。到至其言以告而知也。
惠嗣公使人偽關市。關市呵難之。因事關市以釜。關市乃舍
之。嗣公謂關市曰。某時有客過。而子汝金。因護關市大恐。以
嗣公為明察。

韓非子卷第十一

江戶津田義蕃校

此處為書中正文，因字跡模糊，內容難以辨識。

韓非子卷第十二

外儲說左第二十三

坐疑當
作逃

失疑當
作夫

一以罪受誅。人不怨上。罪當故不怨也。跖危坐。子臯臯雖刑之有不忍之心。跖者懷恩報德。

以功受賞。臣不德君。功當故不德也。翟璜操右契而乘軒。功當受寵。故乘軒而無慙。

襄王不知。不知功當厚賞也。故昭卯五乘而履屨。卯西却秦。東止齊。大矣。而王唯養之五乘。功大賞薄。猶富人而履屨也。上不過任。臣不誣能。即臣將為失少室周。周以事襄王。貞信不誣。人有勇力多已者。即進之。以自代。

二恃勢而不恃信。恃勢則信者不生。心恃信則有時不信。故東郭牙議管仲。欲

專仲國柄。牙以仲雖忠矣。儻不忠危必矣。公因命仲理外。際朋治內矣。文公曰。晉文公以箕鄭信誠。以為原令。曰。必不叛我。軒故有術之。

主信。賞以盡能。必罰以禁邪。雖有駁行。必得所利。駁行不自白。而駁雜者。

簡主之相陽虎。虎逐魯。疑齊。是行駁也。趙主以術御之。盡其用。而趙幾霸。哀公問。一足。子問。孔

莫一足。若何。曰。莫反戾惡。心然。所以免禍者也。公曰。其信一足。故曰一足。

錢字疑

三。失臣主之理。則文王自履而矜。君雖有師臣當亦謹小臣當
右無可使者。是亦失士也。託言君所與者皆其師。是矜過而飾非也。莊而遇賊。一之故。終身莊而遇害也。不易朝燕之處。則季孫終身
四利所禁。禁所利。雖神不行。此當禁而利當利。而禁如所賞雖堯不治。此當罪而譽當賞。而毀如夫為門而不使入。門不
如無委利而不使進。與利不進。亂之所以產也。使進亂所由生
也。齊侯不聽左右。魏主不聽譽者。而明察照羣臣。則鉅不費
金錢。鉅費金以齊王。犀不用壁。犀用玉以魏。西門豹請復治鄴。
足以知之。初治鄴。不事左右。故君奪之。後治事之。君猶盜嬰兒
之矜裘。與胡危子榮衣。盜者子不耻其父盜。以父所盜衣矜衣。
榮人。人所謂。子綽左右畫。左畫圓。右畫方。必不得。俱能成。去蟻
媚為非。猶是。子綽左右畫。喻用左右言。亦不能得賢也。
驅蠅。愈至。喻溫言訓左右。愈。安得無桓公之憂。索官。左右
之。故憂也。與。與宣王之患。驪馬也。王不察。掌馬者竊

叔孫疑

簡下一

梁上一

五。臣以卑儉為行。則爵不足以觀賞。寵光無節。則臣下侵逼。
說在苗賁皇非。獻伯。孔子議晏嬰。嬰伯為相。妻不衣帛。晏
仲尼論管仲與叔孫敖。仲有三歸。以其太奢。而出入之容。變陽
虎之言。見其臣也。而簡主之應人臣也。失主術。虎言居齊。已有
而三人為君。執逐虎。言明已無私。簡主應以私。朋黨相和。臣下
臣之事。言其舉非之。譬樹棘。棘者反得其刺也。朋黨相和。臣下
得欲。則人主孤。羣臣公舉。下不相和。則人主明。陽虎將為趙武
之賢。解狐之公。此三人皆以公舉人。內不避親。而簡以為棘棘
非所以教國也。主六所舉害已。與棘棘
六。公室卑。則忌直言。私行勝。則少公功。說在文子之直言。武子
之用杖。武子。文子。好直言。武子曰。梁車用法。而成侯收璽。
車為。勸令。其妨犯法。胡之趙。管仲以公。而國人謗怨。仲不報封
侯以為。不慈。免其官也矣。怨。謗。是用人
一。孔子相衛。弟子子臯為獄吏。別人足。所踴者守門人。有惡孔

孔子十二

上君疑
當作若
仲下一
有之字
是

用光二
字一作
原是

吾上一
有特字
是

二齊桓公將立管仲令羣臣曰寡人將立管仲為仲父善者入
門而左不善者入門而右東郭牙中門而立公曰寡人立管仲
為仲父令曰善者左不善者右今子何為中門而立牙曰以管
仲之智為能謀天下乎公曰能以斷為敢行大事乎公曰敢牙
曰君知能謀天下斷敢行大事君因專屬之國柄焉以管仲
能秉公之勢以治齊國得無危乎公曰善乃令隰朋治內管仲
治外以相參

晉文公出亡箕鄭挈壺餐而從迷而失道與公相失飢而道泣
寢餓而不敢食及文公反國舉兵攻用允而拔之文公曰夫輕
忍飢餒之患而必全壺餐是將不以原叛乃舉以為原令大夫
渾軒聞而非之曰以不動壺餐之故怙其不以原叛也不亦無
術乎故明主者不恃其不我叛也不恃其不我欺
也恃吾不可欺也

有變疑
倒

下而猶
如也

之一作
足是
此條一
在文王
伐崇條
之末晉

陽虎議曰主賢明則采悉以事之不肖則飾姦而試之逐於魯
疑於齊走而之趙趙簡王迎而相之左右曰虎善竊入國政何
故相也簡主曰陽虎務取之我務守之不能得利遂執術而
御之陽虎不敢為非以善事簡主與主之強幾至於霸也

魯哀公問於孔子曰吾聞古者有變一足其果信有一足乎孔
子對曰不也變非一足也變者忿戾惡心人多不說喜也雖然
其所以得免於人害者以其信也人皆曰獨此一足矣變非一
足也一而足也哀公曰審而是固足矣

一曰哀公問於孔子曰吾聞變一足信乎曰變人也何故一足
彼其無他異而獨通於聲堯曰變一而足矣使為樂正故君子
曰變有一之非一足也

晉文公與楚戰至黃鳳之陵履係解因自結之左右曰不可以
使人乎公曰吾聞上君所與居皆其所畏也言有中君之所與

上有一
曰二字

疑脫上
字主一
作是

居皆其所愛也。能敬順君下君之所與居皆其所侮也。材輕寡

人雖不肖先君之人皆在是以難之也。
三文王伐崇至鳳黃虛韞係解因自結太公望曰何為也王曰
君與處皆其師中皆其友下盡其使也今王先君之臣故無可
使也。

季孫好士終身莊居處衣服常如朝廷而季孫適懈有過失暫
莊也而不能長為也故客以為厭易已相與怨之遂殺季孫故
君子去泰去甚。

南宮敬子問顏涿聚曰季孫養孔子之徒所朝服與坐者以十
數而遇賊何也曰昔周成王近優侏儒以逞其意而與君子斷
事是能成其欲於天下今季孫養孔子之徒所朝服而與坐者
以十數而與優侏儒斷事是以遇賊故曰不在所與居在所與
謀也。

被下一
有穉字
或作伯
並是
下入疑
當作臣
也非猶不

孔子御坐於魯哀公哀公賜之桃與黍哀公請用仲尼先飯黍
而後啗桃左右皆拊口而笑哀公曰黍者非飯之也以雪桃也
仲尼對曰丘知之矣夫黍者五穀之長也祭先王為上盛果苾
有六而桃為下祭先王不得入廟丘之聞也君子以賤雪貴不
聞以貴雪賤今以五穀之長雪菓苾之下是從上雪下也丘以
為妨義故不敢以先於宗廟之盛也。

簡主謂左右車席泰美夫冠雖賤頭必戴之屨雖貴足必履之
今車席如此大美吾將何履以履之。屨所履席太美則更夫美
下而耗上。言席美則履又當美履美衣又當妨義之本也。

費仲說紂曰西伯昌賢百姓悅之諸侯附焉不可不誅不誅必
為叛紂曰子言義主何可誅費仲曰冠雖穿敝必戴於頭履雖
五采必踐之於地今西戎昌人臣也修義而人向之卒為天下
患其必昌乎人人不以其賢為其主非可不誅也且主而誅臣

焉有過紂曰夫仁義者上所以勸下也今昌好仁義誅之不可三說不用故亡

害下一有義字

齊宣王問匡倩曰儒者博乎曰不也王曰何也匡倩對曰博貴梟勝者必殺梟殺梟者是殺所貴也儒者以為害義故不博也又問曰儒者弋乎曰不也弋者從下害於上者也是從下傷君也儒者以為害故不弋又問儒者鼓瑟乎曰不也夫瑟以小絃為大聲以大絃為小聲是大小易序貴賤易位儒者以為害義故不鼓也宣王曰善仲尼曰與其使民謫下也寧使民謫上

謫下則朋黨謫上則尊敬

四詎者齊之居士屏舞者魏之居士齊魏之君不明不能親照境內而聽左右之言故二子費金璧而求入仕也

自下一有謹字

西門豹為鄴令清剋潔愨秋毫之端無私利也而甚簡左右不君也左右因相與比周而惡之居期年上計君收其璽豹自

一無謂字是後假借

曰臣昔者不知所以治鄴今臣得矣願請璽復以治鄴不當請伏斧鑕之罪文侯不忍而復與之豹因重斂百姓急事左右期年上計文侯迎而拜之豹對曰往年臣為君治鄴而君大璽今臣為左右治鄴而君拜臣臣不能治矣遂納璽而去文侯不受曰寡人曩不知子今知矣願子勉為寡人治之遂不受

納之璽也

齊有狗次曼之子與則危子戲而相誇盜子曰吾父之裘獨有尾言裘尚有所盜之狗尾危子曰吾父獨冬不失袴則足者不衣袴雖終其冬夏無所損失也

子綽曰人莫能左畫方而右畫圓也以肉去蟻蟻愈多以魚驅蠅蠅愈至

桓公謂管仲曰官少而索者衆寡人憂之管仲曰君無聽左右之謂請因能而受祿錄功而與官則莫敢索官君何患焉

韓宣子曰吾馬菽粟多矣甚懼何也寡人患之周市對曰使騶

二雖下
俱省後
字

初武作
威並可
從

孟上一
有五字
是孟疑
當作孟

疑當作
晉當作
御下疑
脫馬字

上二疑
當作抹
不徒一
作多徒

盡粟以食。雖無肥不可得也。名為多與之。其實少。雖無驪亦不
可得也。主不審其情實。坐而患之。馬猶不肥也。

桓公問置吏於管仲曰。辯察於辭。清潔於貨。習人情。夷吾不如
絃商。請立以為大理。登降肅讓。以明禮待賓。臣不如隰朋。請立

以為大行。聚草芻邑。能入其租稅也。辟地生粟。臣不如甯武
請以為大田。三軍既成陣。使士視死如歸。臣不如公子成父。請

以為大司馬。犯顏極諫。臣不如東郭牙。請立以為諫臣。治齊。此
五子足矣。將欲霸王夷。吾在此。

孟獻伯相魯。堂下生藿。藜門外長荆棘。食不味。坐不重席。晉
無衣帛之妾。居不粟馬。出不從車。叔向聞之。以告苗賁皇。賁皇

非之曰。是出主之爵祿以附下也。一曰。孟獻伯拜上卿。叔向往
賀。明有御馬。不食采。向曰。子無二馬二輿。何也。獻伯曰。吾觀國

人尚有飢色。是以不秣馬。班白者不徒行。故不二輿。向曰。吾始

循疑當
作備

節上疑
脫私字

置權省
字

此條疑
當連上
為一則
疑當作
曰

賀子之拜。卿今賀子之儉也。向出語苗賁皇曰。助吾賀。獻伯之
儉也。苗子曰。何賀焉。夫爵祿旂章。所以異功伐。別賢不肖也。故
晉國之法。上大夫二輿二乘。中大夫二輿一乘。下大夫專乘。此
明等級也。且夫卿必有軍事。是故循車馬。比卒乘。以備戎事。有
難。則以備不虞。平夷。則以給朝事。今亂晉國之政。之不虞之備
以成。即以絜私名。獻伯之儉也。可與言辭制當誅之故可與也又何賀。
管仲相齊曰。臣貴矣。然而臣貧。桓公曰。使子有三歸之家。曰。臣
富矣。然而臣卑。桓公使立於高國之上。曰。臣尊矣。然而臣踈。乃
立為仲父。孔子聞而非之曰。泰侈偏上。一曰。管仲父出。朱蓋青
衣。置鼓而歸。鼓自朝歸設鼓吹之樂庭有陳鼎。家有三歸。孔子曰。良大夫也。
其侈偏上。

非子十二

七

孫叔敖相楚。棧車柴車也。牝馬。糲餅。菜羹。枯魚之膳。冬羔裘。夏葛
衣。面有飢色。則良大夫也。其儉偏下。

陽虎去齊走趙簡主問曰吾聞子善樹人虎曰臣居魯樹三人皆為令尹及虎抵罪於魯皆搜索於虎也臣居齊薦三人一人得近王一人為縣令一人為候吏及臣得罪近王者不見臣縣令者迎臣執縛候吏者追臣至境上不及而止虎不善樹人主俛而笑曰樹橘柚者食之則甘嗅之則香樹荆棘者成而刺人故君子慎所樹

中牟無令晉平公問趙武曰中牟三國之股肱趙齊邯鄲之肩髀寡人欲得其良令也誰使而可武曰刑伯子可公曰非子之讎也曰私讎不入公門公又問曰中府之令誰使而可曰臣子可故曰外舉不避讎內舉不避子

趙武所薦四十六人及武死各就賓位其無私德若此也平公問叔向曰羣臣孰賢曰趙武公曰子黨於師人屬大夫武立如不勝衣言如不出口然所舉士也數十人皆得其意向故

下武上疑脫對曰二字

及疑當作且子字疑衍

得而公家甚賴之及武子之生也不利於家死不託於孤臣敢以為賢也

解狐薦其讎於簡主以為相其讎以為且幸釋已也乃因往拜

謝狐乃引弓送而射之曰夫薦汝公也以汝能當之也夫讎汝

吾私怨也不以私怨汝之故擁汝於吾君故私怨不入公門

解狐舉邢伯柳為上黨守柳往謝之曰子釋罪敢不再拜曰舉

子公也怨子私也子往矣怨子如初也

鄭縣人賣豚人問其價曰道日暮安暇語汝

六范文子喜直言武子擊之以杖夫直議者不為人所容無所

容則危身非徒危身又將危父

子產者子國之子也子產忠於鄭君子國譙怒之曰夫介異於

人臣而獨於主主賢明能聽汝不明將不汝聽聽與不聽未可

必知而汝已離於羣臣離於羣臣則必危汝身矣非徒危已也

此條一連上為一解上一有二字是道下是

於上一有忠字是

又且危父矣。

梁車新為鄴令。其姊往看之。暮而後門閉。因踰郭而入。車遂別。其足趙成侯以為不慈。奪之璽而免之。令管仲束縛。自魯之齊。道而飢渴。過綺烏封人而乞食。烏封人跪而食之。甚敬。封人因竊謂仲曰。適幸及齊。不死而用齊。將何報我。曰。如子之言。我且賢之用。能使勞之論。我何以報子。封人怨之。

能下一有之字是

韓非子卷第十二

韓非子卷第十三

外儲說右上第三十四

君所以治臣者有三。勢不足以化。則除之。師曠之對。晏子之說。皆合勢之易也。而道行之難。是與獸逐走也。未知除患患之可除。在子夏之說。春秋也。善持勢者。蚤絕其姦萌。故季孫讓仲尼。以遇勢而況錯之於君子。是以太公望殺狂裔。而臧獲不乘。驥嗣公知之。故而駕鹿。薛公知之。故與二樂博。此皆知同異之反也。故明主之牧臣也。說在玄馬。二人主者。利害之輶。轂也。射者眾。故人主共矣。是以好惡見。則下有因而人主惑矣。辭言通。則臣難言。而主不神矣。說在申子之言。六慎與唐易之言。弋也。患在國年之請變。與宣王之太息也。明之以靖郭氏之獻。十珥也。與犀首甘戍之道。穴間也。堂谿公知術。故問玉卮。昭侯能術。故以聽獨寢。明主之道。在申子之勸。獨斷也。

過疑當
作過而
一作不
是
樂經
為馬
作鳥
較疑當
作招
易下當
有鞠
年一作
羊成作
茂並是

知貴疑
當作如
是

三術之不行有故不殺其狗則酒酸夫國亦有狗且左右皆社
鼠也人主無堯之再誅與莊王之應太子而皆有薄媼之決蔡
姬也知貴不能以教歌之法先揆之吳起之出愛妻文公之斬
顛頡皆違其情者也故能使人彈疽者必其忍痛者也

右經

一無其
字

一賞之譽之不勸罰之毀之不畏四者加焉不變則其除之
齊景公之晉從平公飲師曠侍坐景公問政於師曠曰太師將
奚以教寡人師曠曰君必惠民而已中坐酒酣將出又復問政
於師曠曰太師奚以教寡人曰君必惠民而已矣景公出之舍
師曠送之又問政於師曠師曠曰君必惠民而已矣景公歸思
未醒而得師曠之所謂公子尾公子夏者景公之二弟也甚得
齊民家富貴而民說之擬於公室此危吾位者也今謂我惠民
者使我與二弟爭民耶於是反國發廩粟以賦眾貧散府餘

粟粟諸

惠施一
作施惠
是居上
一有民
宗

財以賜孤寡倉無陳粟府無餘財宮婦不御者出嫁之七十受
祿米鬻鬲德惠施於民也己與二弟爭居二年二弟出走公子夏
逃楚公子尾走晉

貨當羅

不下一
有加字

景公與晏子遊於少海登栢寢之臺而還望其國曰美哉泱泱
乎堂堂乎後世將孰有此晏子對曰其田成氏乎景公曰寡人
有此國也而曰田成氏有之何也晏子對曰夫田成氏甚得齊
民其於民也上之請爵祿行諸大臣下之私大斗斛區釜以出
貨小斗斛區釜以收之殺一牛取一豆肉餘以食士終歲布帛
取二制焉餘以衣士故市木之價不加貴於山澤之魚鹽龜鼈
贏蚌不貴於海君重斂而田成氏厚施齊嘗大飢道旁餓死者
不可勝數也父子相牽而趨田成氏者不聞不生故周秦之民
相與歌之曰謳乎其已乎苞乎其往歸田成子乎詩曰雖無德
與女式歌且舞今田成氏之德而民之歌舞民德歸之矣故曰

時一作能
天字疑
行
名一作
民字
疑行不
知二字
一無是
字無以

其田成氏乎。公泫然出涕曰：不亦悲乎！寡人有國，而田成氏有之，今為之柰何？晏子對曰：君何患為？若君欲奪之，則近賢而遠不肖，治其煩亂，緩其刑罰，振貧窮而恤孤寡，行恩惠而給不足，民將歸君，則雖有十田成氏，其如君何？或曰：景公不知用勢，而師曠、晏子不知除患，夫獵者託車與之安，用六馬之足，使王良佐轡，則身不勞而易及，輕獸矣。今釋車輿之利，捐六馬之足，與王良之御，而下走逐獸，則雖樓季之足，無時及獸矣。託良馬固車，則臧獲有餘。國者，君之車也。勢者，君之馬也。夫不處勢以禁誅，擅愛之臣，而必德厚以與天下，齊行以爭名，是皆不乘君之車，不因馬之利，車而下走者也。故曰：景公不知用勢之主也，而師曠不知晏子，不知除患之臣也。子夏曰：春秋之記，臣殺君子殺父者，以十數矣，皆非一日之積也。有漸而以至矣。凡女奴者，行久而成績，積成而力多，力多而能殺。

故明主蚤絕之。今田常之為亂，有漸見矣。而君不誅，晏子不使其君禁侵陵之臣，而使其主行惠，故簡公受其禍。故子夏曰：善持勢者，蚤絕女奴之萌。

季孫相魯，子路為郈令，魯以五月起衆為長溝，當此之為，子路以其私秩粟為漿飯，要作溝者於五父之衢而食之。孔子聞之，使子貢往覆其飯，擊毀其器，曰：魯君有民，子奚為乃食之？子路怫然怒，攘肱而入，請曰：夫子疾由之為仁義乎？所學於夫子者，仁義也。仁義者，與天下共其所有，而同其利者也。今以由之秩粟而食民，不可何也？孔子曰：由之野也。吾以女知之，女徒未及也。女故如是之不知禮也？女之食之為愛之也。夫禮，天子愛天下，諸侯愛境內，大夫愛官職，士愛其家，過其所愛曰侵。今魯君有民，而子擅愛之，是子侵也。不亦誣乎？言未卒，而季孫使者至，讓曰：肥也起，民而使之先生，使弟子令徒役而食之，將奪肥之民耶？孔

議義假
借下同

子駕而去魯。以孔子之賢而季孫非魯君也。以人臣之資。假人主之術。蚤禁於未形。而子路不得行其私惠。而害不得生。況人主乎。以景公之勢。而禁田常之侵也。則必無劫弑之患矣。
太公望東封於齊。齊東海上有居士曰狂。商華士昆弟二人者。立議曰。吾不臣天子。不友諸侯。耕作而食之。掘井而飲之。吾無求於人也。無上之名。無君之祿。不事仕而事力。太公望至於營丘。使吏執殺之。以為首誅。周公且從魯聞之。發急傳而問之曰。夫二子賢者也。今日鄉食國而殺賢者。何也。太公望曰。是昆弟二人立議曰。吾不臣天子。不友諸侯。耕作而食之。掘井而飲之。吾無求於人也。無上之名。無君之祿。不事仕而事力。彼不臣天子者。是望不得而臣也。不友諸侯者。是望不得而使也。耕作而食之。掘井而飲之。無求於人者。是望不得以賞罰勸禁也。且無上之名。雖知不為望用。不仰君祿。雖賢不為望功。不仕則不治。不任

又下一
有非字
是

則不忠。且先王之所以使其臣民者。非爵祿則刑罰也。今四者不足以使之。則望當誰為君子。不服兵革而顯不親耕耨。而名又所以教於國也。今有馬於此。如驥之狀者。天下之至良也。然而驅之不前。却之不止。左之不左。右之不右。則臧獲雖賤。不託其足。臧獲之所願。託其足於驥者。以驥之可以追利辟害也。今不為人用。臧獲雖賤。不託其足焉。已自謂以為世之賢士。而不為主用。行極賢。而不用於君。此非明主之所臣也。亦驥之不可左右矣。是以誅之一曰。太公望東封於齊。海上有賢者狂。商。太公望聞之。往請焉。三却馬於門。而狂商不報見也。太公望誅之。當是時也。周公且在魯。馳往步之。比至已誅之矣。周公且曰。狂商。天下賢者也。夫子何為誅之。太公望曰。狂商也。議不臣天子。不友諸侯。吾恐其亂法。易教也。故以為首誅。今有馬於此。形容似驥也。然驅之。不往引之。不前。雖臧獲不許託足於其軫也。

樂毅
諺下同

季之子
一作季
子二字
下同

如耳說衛嗣公衛嗣公說而太息左右曰公何為不相也公曰夫馬似鹿者而題之千金然而有百金之馬而無一金之鹿者馬為人用而鹿不為人用也今如耳萬乘之相也外有大國之意其心不在衛雖辨智亦不為寡人用吾是以不相也薛公之相魏昭侯也左右有樂子者曰陽胡潘其於王甚重而不為薛公薛公患之於是乃召與之博予之人百金令之昆弟博俄又益之人二百金方博有閒謂者言客張季之子在門公拂然怒撫兵而授謂者曰殺之吾聞季之不為文也立有閒時季羽在側曰不然竊聞季為公甚顧其人陰未聞耳乃輟不殺客大禮之曰曩者聞季之不為文也故欲殺之今誠為文也豈忘季哉告廩獻千石之粟告府獻五百金告駟私廩獻良馬固車二乘因令奄將宮人之美妾二十人并遺季也樂子因相謂曰為公者必利不為公者必害吾曹何愛不為公因斯競勸而遂為

鳥書說

下感
作飾

田上一
有日
是

之薛公以人臣之勢假人主之術也而害不得生況錯之人主乎夫馴鳥斷其下領焉斷其下領則必恃人而食焉得不馴乎夫明主畜臣亦然令臣不得利君之祿不得無服上之名夫利君之祿服上之名焉得不服二申子曰上明見人備之其不明見人惑之其知見人惑之不知見人匿之其無欲見人司之其有欲見人餌之故曰吾無從知之惟無為可以規之一曰申子曰慎而言也人且知女慎而行也人且隨女而有知見也人且匿女而無知見也人且意女女有知也人且臧女女無知也人且行女故曰惟無為可以規之○田子方問唐易鞞曰弋者何慎對曰鳥以數百目視子子以二目御之子謹周子廩田子方曰善子加之弋我加之國鄭長者聞之田子方知欲為廩而未得所以為廩夫虛無無見者廩也一曰齊宣王問弋於唐易子曰弋者奚貴唐易子曰在於謹廩

下故一作王

王曰何謂謹廩對曰鳥以數十目視人人以二目視鳥柰何不謹廩也故曰在於謹廩也故曰然則為天下何以為此廩今人主以二目視一國一國以萬目視人主將何以自為廩乎對曰鄭長者有言曰夫虛靜無為而無見也其可以為此廩乎國羊重於鄭君聞君之惡也侍飲因先謂君曰臣適不幸而有過願君幸而告之臣請變更則臣免死罪矣

曰疑當作因

客有說韓宣王宣王說而太息左右引王之說之曰先生客以為德

靖鄭君之相齊也王后死未知所置乃獻玉珥以知之曰薛公相齊齊威王夫人死中有十孺子皆貴於王薛公欲知王所欲立而請置一人以為夫人王聽之則是說行於王而重於置夫人也王不聽是說不行而輕於置夫人也欲先知王之所欲置以勸之王置之於是為十五珥而美其一而獻之王以賦十

一無上曰字是

孺子明日坐視美珥之所在而勸王以為夫人

一無若字可從

甘茂相秦惠王惠王愛公孫衍與之間有所言曰寡人將相子甘茂之吏道充聞之曰以告甘茂甘茂入見王曰王得賢相臣敢再拜賀王曰寡人託國於子安更得賢相對曰將相犀首王曰子安聞之對曰犀首告臣王怒犀首之泄乃逐之一曰犀首天下之善將也梁王之臣也秦王欲得之與治天下犀首曰衍其人臣者也不敢離主之國居期年犀首抵罪於梁王逃而入秦秦王甚善之樗里疾秦之將也恐犀首之代之將也數金尤於王之所常隱語者俄而王果與犀首計曰吾欲攻韓奚如犀首曰秋可矣王曰吾欲以國累子子必勿泄也犀首反走再拜曰受命於是樗里疾也道充聽之矣郎中皆曰兵秋起攻韓犀首為將於是日也郎中盡知之於是日也境內盡知之王召樗里疾曰是何匆匆也何道出樗里疾曰似犀首也王曰吾無與犀首

也一作已可疑月諺

言也。其犀首何哉。樗里疾曰。犀首也。羈旅新抵罪。其心孤。是言自嫁於衆。王曰。然。使人召犀首。已逃。諸侯矣。

一無乎
字乘非
感是

堂谿公謂昭侯曰。今有千金之玉卮。通而無當。可以盛水乎。昭侯曰。不可。有瓦器而不漏。可以盛酒乎。昭侯曰。可。對曰。夫瓦器至賤也。不漏。可以盛酒。雖有乎千金之玉卮。至貴而無當。漏不可乘水。則人孰注漿哉。今為人之主。而漏其羣臣之語。是猶無當之玉卮也。雖有聖智。莫盡其術。為其漏也。昭侯曰。然。昭侯聞堂谿公之言。自此之後。欲發天下之大事。未嘗不獨寢。恐夢言而使人知其謀也。一日。堂谿公見昭侯曰。今有白玉之卮。而無當。有瓦卮而有當。君渴。將何以飲。君曰。以瓦卮。堂谿公曰。白玉之卮。美而君不以飲者。以其無當耶。君曰。然。堂谿公曰。為人主而漏泄其羣臣之語。譬猶玉卮之無當。堂谿公每見而出。昭侯必獨卧。惟恐夢言泄於妻妾。申子曰。獨視者謂明。獨聽者謂聰。能

獨斷者。故可以為天下主。

一無下
問字是

三宋人有酤酒者。升概甚平。遇客甚謹。為酒甚美。懸幟甚高。著然不售。酒酸。怪其故。問其所知。問長者楊倩。倩曰。汝狗猛耶。曰。狗猛。則酒何故而不售。曰。畏焉。或令孺子懷錢。手壺。雍而往。酤而狗牙而齧之。此酒所以酸而不售也。夫國亦有狗。有道之士。懷其術。而欲以明萬乘之主。大臣為猛狗。迎而齧之。此人主之所以蔽脅而有道之士。所以不用也。故相公問管仲。治國最奚患。對曰。最患社鼠矣。公曰。何患社鼠。對曰。君亦見夫為社者乎。樹木而塗之。鼠穿其間。掘穴託其中。燠之則死。火水灌之則恐。塗地此社鼠之所以不得也。今人君之左右。出則為勢重。而收利於民。入則比周而蔽惡於君。內間主之情。以告外。外內為重。諸臣百吏。以為富。吏不誅。則亂法。誅之則君不安。據而有之。此亦國之社鼠也。故人臣執柄而擅勢。明為已者。必利而不

仲下一
有曰字

御字疑
衍

爲己者必害此亦猛狗也。夫大臣爲猛狗而齧有道之士矣。左
右又爲社鼠而間主之情。人主不覺如此。主焉得無壅國焉得
無空乎。一曰宋之酤酒者有莊氏者。其酒常美。或使僕往酤。莊
氏之酒其狗齧。入使者不敢往。乃酤他家之酒。問曰何爲不酤
莊氏之酒。對曰今日莊氏之酒酸。故曰不殺其狗則酒酸。
栢公問管仲曰。治國何患。對曰最苦社鼠。夫社木而塗之。鼠因
自託也。燻之則木焚。灌之則塗墮。此所以苦於社鼠也。今人君左
右出則爲勢重以收利於民。入則比周謾侮蔽惡以欺於君。不
誅則亂法。誅之則人主危據。而有之此亦社鼠也。故人臣執柄
擅禁明爲己者必利。不爲己者必害。亦猛狗也。故左右爲社鼠
用事者爲猛狗。則術不行矣。

堯欲傳天下於舜。鯀諫曰不祥哉。孰以天下而傳之於匹夫乎。
堯不聽。舉兵而誅共工於幽州之都。於是天下
莫敢言無傳天下於舜。仲尼聞之曰。堯之知舜之賢。非其難者
也。夫至乎誅諫者必傳之舜。乃其難也。一曰不以其所疑敗其
所察則難也。

荆莊王有茅門之法。曰羣臣大夫諸公子入朝。馬蹄踐雷者。廷
理斬其軻。戮其御。於是太子入朝。馬蹄踐雷。廷理斬其軻。戮其
御。太子怒。入爲王泣曰。爲我誅戮。廷理王曰。法者所以敬宗廟。
尊社稷。故能立法從令。尊敬社稷者。社稷之臣也。焉可誅也。夫
犯法廢令。不尊敬社稷者。是臣乘君而下尚校也。臣乘君則主
失威。下尚校則上位危。威失位危。社稷不守。吾將何以遺子孫。
於是太子乃還走。避舍露宿三日。北面再拜請死罪。一曰楚王
急召太子。楚國之法。車不得至於苑門。天雨。廷中有潦。太子遂
驅車至於苑門。廷理曰。車不得至於苑門。非法也。太子曰。王召急。

爲王之
爲猶謂
也下同

一無於
矣二字

所疑當
作而信
字疑衍

言上一
有所字
是

不得須無潦遂驅之廷理舉及而擊其馬敗其駕太子入為王
泣曰廷中多潦驅車至苑門廷理曰非法也舉及擊臣馬敗臣
駕王必誅之王曰前有老主而不踰後有儲主而不屬於矣是
真吾守法之臣也乃益爵二級而開後門出太子勿復過
衛嗣君謂薄疑曰子小寡人之國以為不足仕則寡人力能仕
子請進爵以子為上卿乃進田萬頃薄子曰疑之母親疑以疑為
能相萬乘所不窺也然疑家巫有蔡姬者疑母甚愛信之屬之家
事焉疑智足以信言家事疑母盡以聽疑也然已與疑言者亦
必復決之於蔡姬也故論疑之智能以疑為能相萬乘而不窺
也論其親則子母之間也然猶不免議之於蔡姬也今疑之於
人主也非子母之親也而人主皆有蔡姬人主之蔡姬必其重
人也重人者能行私者也夫行私者繩之外也而疑之空言法之
內也繩之外與法之內離也不相受也一日衛君之晉謂薄疑

下疑上
一有矣
字

謂當作
為

索下
有入字
是

曰吾欲與子皆行薄疑曰媪也在中請歸與媪計之衛君自請
薄媪曰疑君之臣也君有意從之甚善衛君曰吾以請之媪媪
許我矣薄疑歸言之媪也曰衛君之疑奚與媪媪曰不如吾愛
子也衛君之賢疑奚與媪也曰不如吾賢子也媪與疑計家事
已決矣乃請決之於卜者蔡姬今衛君從疑而行雖與疑決計
必與他蔡姬敗之如是則疑不得長為臣矣
夫教歌者使先呼而誦之其聲反清徵者乃教之一曰教歌者
先揆以法疾呼中宮徐呼中徵疾不中宮徐不中徵不可謂教
吳起衛左氏中人也使其妻織組而幅狹於度吳子使更之其
妻曰諾及成復度之果不中度吳子大怒其妻對曰吾始經之
而不可更也吳子出之其妻請其兄而索其兄曰吳子為法者
也其為法也且欲以與萬乘致功必先踐之妻妾然後行之子
毋幾索入矣其妻之弟又重於衛君乃因以衛君之重請吳子

衣疑夜

吳子不聽遂去衛而入荆也。一曰吳起示其妻以組曰子為我織組今之如是組已就而效之其組異善起曰使子為組今之如是而今也異善何也其妻曰用財若一也加務善之吳起曰非語也使之衣歸其父往請之吳起曰起家無虛言。晉文公問於狐偃曰寡人甘肥周於堂庖酒豆肉集於宮壺酒不清生肉不布殺一牛遍於國中一歲之功盡以衣士卒其足以戰民乎狐子曰不足文公曰吾弛關市之征而緩刑罰其足以戰民乎狐子曰不足文公曰吾民之有喪資者寡人親使郎中視事有罪者赦之貧窮不足者與之其足以戰民乎狐子曰不足此皆所以慎產也而戰之者殺之也民之從公也為慎產也公因而迎殺之失所以為從公矣曰然則何如足以戰民乎狐子曰對曰令無得不戰公曰無得不戰奈何狐子曰信賞必罰其足以戰公曰刑罰之極安至對曰不辟親貴法行所愛文公

養當作首下同

城當作成

其下二有國字重亂臣二字以解上有猶字並是

曰善明日令田於圃陸期以日中為期後期者行軍法焉於是公有所愛者曰顛頡後期吏請其罪文公墮涕而息吏曰請用事焉遂斬顛頡之脊以徇百姓以明法之信也而後百姓皆懼曰君於顛頡之貴重如彼甚也而君猶行法焉況於我則何有矣文公見民之可戰也於是遂興兵伐原克之伐衛東其畝取五鹿攻陽勝虢伐曹南圍鄭反之陴罷宋圍還與荆人戰城濮大敗荆人返為踐土之盟遂城衡雍之義一舉而八有功所以然者無他故異物從狐偃之謀假顛頡之脊也。夫痠疽之痛也非刺骨髓則煩心不可支也非如是不能使人以半寸砥石彈之今人主之於治亦然非不知有苦則安欲治其非如是不能聽聖知而誅亂臣者必重人重人者必人主所甚親愛也人主所甚親愛也者是同堅白也夫以布衣之資欲以離人主之堅白所愛是以解左髀說右髀者是身必死而說

